

會澤首義文牘

冊上

ECNULIB



10009816084221

序

辭

再造
共和
唐會澤大事記

墨江楓漁庾恩陽著

本書專述唐會澤光復雲南再造共和鎮撫滇黔經畫
華夏及其家世學術操履諸端插印會澤自少年以來
肖像多種經文學泰斗章太炎梁任公及名流岑西林
趙樾村谷九峰張鎔西陳舜卿呂載之羅鎔軒李印泉
由夔舉諸先生叙題凡欲知會澤爲人之生平會澤與
民國之關係並崇拜會澤者不可不人手一編也全書
約二萬言洋裝布皮金字一册已於陽歷四月出版價
目另定

總發行所雲南圖書館
代售處全國各大書坊

序辭

西哲有言英雄者爲時勢而動者也。然則動而非時與。值其時而不動者。皆非英雄可知矣。當帝制發生。羣情惶惑。天下洶洶。盼有人焉。出而發難。以恢復我四萬萬人。澀血流膏。所獲之民主共和。然而東南富庶之區。中原形勝之地。卒音響寂沉。不聞一言以申大義者。無他。利害之見深。身家之念重。而國家之念輕也。會澤處邊方瘠僻之區。值項城。值待遇優厚之際。但緘默一時。甯不能取金印如斗。大尊顯。閭里榮長子孫。乃一旦棄之。如敝屣。視之如弁髦。反以荆棘在前。喪亡在後。爲稱心而行之事。磊磊落落。義不返顧。英雄之行事。乃真令人不可測也。方事之殷。滇力孤危。日甚。嘗試以言探公意。謂專苟破敗。將若何。公曰。余計之已熟。他省不響應。當以一省抗之一省。不能敵。當以一隅抗之。究其極。余犧牲一家。犧牲一身。已耳。甯爲袁粲。死不作褚淵。生也。嗚呼。息壤在彼。幸鐘簴之未移。風景不殊。悵河山之有異。今幾日耳。而時勢艱難。政治焚亂。大好家居。行見爲人撞壞。會澤之智。亦會澤之愚。會澤之功。抑亦會澤之罪也。讀會澤文牘者。可以憬然矣。前雲南都督府秘書廳識。

唐會澤玉照



會澤小傳

雲南首義擁護共和始末記廣告

墨江楓漁庾恩陽輯著

本書內容凡七章三十餘節共約十三四萬言插滇軍隊形耕種園藝及首義前後會議討袁歎血誓師地方暨五華山都督府各風景護國軍重要人物重要機關負傷官兵各處古蹟各處名勝并攷各種照片百三十餘張所有袁氏之遠因近因雲南首義前之準備首義時之計畫首義後之情形及軍事結束後之部署莫不廣事蒐集詳為記載而於首義之真象戰地之軍情敘述尤為翔實詳盡凡外間傳言雲南被動津滬各報軍情紀事失之簡畧訛誤者手此一編自可補正叙次文筆亦極精工足稱傑構真紀載雲南首義擁護共和惟一無二之信史也全書無圖畫者洋裝一鉅冊定價一元六角現已出版有圖畫者洋裝布皮金字上下兩鉅冊 於陽曆四月出版價目另定

- 一雲南首義以絕大之犧牲為全國同胞爭回人格故全國同胞欲知人格之所以挽回者不可不讀
- 二自雲南首義以來支持多日然後黔桂粵浙湘秦蜀始相繼響應此中艱苦言之酸鼻故欲知雲南首義之真象者不可不讀
- 三護國軍分道入川湘粵所向克捷卒使袁氏一敗不振故欲知護國軍各方面之軍情者不可不讀
- 四自雲南首義以來海內志士仁人連袂來滇協贊故欲知海內志士仁人之熱心愛國者不可不讀
- 五滇軍出征均與一倍以上之袁軍對抗雖戰勝攻取然陣亡者已二千餘人負傷者亦三千餘人至今死者之忠骸未歸殘廢者之卹賞未至而在粵滇軍行役一年餘轉戰數千里至今亦復衣不蔽體食不果腹種種苦况言之澆然故欲知雲南軍人之困苦者不可不讀
- 六雲南本受協省分光復後協款停止首義以來支出驟增十倍既不濫發紙幣又未抵借外債其所以能支持至今者幸滇人均能毀家紓難海外華僑又慨助軍餉然已羅掘俱盡公私交困屢經呼籲當局皆未嘗有所協濟故欲知雲南經濟之困難者不可不讀
- 七雲南首義為全國同胞爭回人格直接間接受絕大之損失飲水思源國人應為謀充分之回復故凡救濟雲南之勛痛者不可不讀
- 八袁氏欲謀帝位實不自今日始茲得其遠因近因一一揭出故欲知袁氏稱帝之原因者不可不讀

總發行所雲南圖書館

代售處全國各大書坊

雲南督軍兼省長唐公傳

公名繼堯。字莫廣。滇之會澤縣人。東大陸主人。其別號也。生而英異。四五歲。卽喜聽岳武穆精忠報國事。年十五。補博士弟子員。酷嗜王陽明學。致力於知行合一。畢生事業。實基於此。光緒甲辰。滇選送留日陸軍學生。公與焉。入振武學校。最優等畢業。入金澤第九師團礮兵第九聯隊。充入伍生。練習期滿。入士官學校。初公在振武校時。日京同盟會極盛。革命說倡。公入會。討論革命種種方法。與同志創設雲南雜誌。以爲開導社會之先聲。至是復創設武學社。刊行武學雜誌。以文字鼓吹輸入內地。公慷慨悲歌。咸寄於詩。所著東大陸主人言志錄。多成於此時。而辛亥革命成功之易。亦此時實種其因也。士官畢業後。適發生日政府搜索留學生事。蓋日人於軍事之重要書籍。嚴守秘密。不肯教授留學生。於是相約無論用何方法。務得此書。及事發。被搜。公以先期預防。得免憤然。思歸。取道仁川。游漢城。攷察日人經營朝鮮政策。多所記載。游東三省。觀日俄戰處。藉以印證。平日之所學。抵津。得當道資助。譯刊所得軍事秘密書二十餘種。送各樞要。以供叅攷。回滇。大府檄委督練。公所叅謀處提

會澤文昭上卷

調兼講武堂教官。調充第十九鎮正參謀官。旋委七十四標第一營管帶。仍兼講武堂教授。因闢發民族主義。爲宵小中傷。解兵柄。委講武堂監督。斯時一般軍士學生。種族思想已勃不可遏矣。辛亥八月十九日。武昌首義。公與同志密謀響應。議分兵二路。蔡君松坡、謝君幼臣等。各率步礮兵攻取軍械局。庾君澤普率礮兵由巫家壩連合公所率步隊進城。攻取督署。而沈君石泉及講武堂諸同志率講武學生開東西城接應。於九月九日舉義。公率軍由小東門入。遇敵機關鎗堵擊。巷戰敗之。庾君澤普率軍由小西門入。與公合攻督署。清大吏相率逃匿。擒斬敵軍主要數人。翌明遂克督署而攻取軍械局之捷音亦至。議組織軍都督府於五華山。舉蔡公松坡爲都督。其下分設軍政軍務參謀三部。公任軍政參謀。兩部次長。兼講武學校總辦。收集陸軍小學生體育學生合講武學生開辦陸軍幹部學校。公兼任校長。適蒙自兵變。及滇越鐵路。法欲借口進兵保護鐵路。公憤之。令幹部學校學生沿紮鐵路進兵之議。遂傾其時西南及沿江諸省已相繼獨立。迨袁世凱出任內閣。遂有武昌劇烈之戰。太原、潼關相繼告警。獨立各省羣起北伐。公爲滇北伐軍總司令。原議取道

會

澤

交

續

上

卷

永寧瀘州合援川滇軍。由重慶出秦晉以趨燕雲。會黔爲哥匪盤踞。黔民組織耆老會。派代表來滇乞援。公遂以北伐軍改道貴陽。代平匪亂。抵黔。匪負固不服。乃分兵攻擊南廠頭橋黔靈山等處。克之。並克城內各處兵匪。黔慶更生。留滇軍鎮攝。推公爲都督。公以原任北伐。固辭。黔恐再遭荼毒。固留不得。已。公允暫緩一月。乃不旬日。而清帝退位。南北統一。北伐軍一律中止。而黔民已公電中央。請任公督黔。奉中央電令爲貴州都督。公乃就任。組織軍政機關。設軍都督府本部。設衛戍司令部。及參謀、參議、軍務、政務等處。籌餉、防務、民團、各局。開辦陸軍講武學校。綱舉目張。庶政咸理。壬子正月十五日。太夫人歿。公哀毀。欲奔喪。黔人以公去留爲治亂所關。舉古人奪情視職者以勸。公乃電中央。請假百日。守制以參謀長庾恩賜代理。篆務未幾。而陳開釗據銅仁。廣西洪匪。擾黎平。古州。安桂林。擾威寧。水城。川匪竄正安。而遵義魯瀛。又復擅殺官長。據城以叛。下流匪衆亦煽回黔之軍。力圖擾亂。公皆次第討平之。復遣員招撫黔軍。以爲弭亂未然之計。而陳開釗、席正銘、田荆春等煽惑黔軍一部。並率湘境流亡黔邊。諸苗號稱數萬。連陷松桃。江口。進圍銅仁。官軍不滿千。憑城誓。

會 澤 文 贈 上 卷

死敵梯肩登城，血肉相搏，槍聲隆隆。七晝夜不息，下流震動。全黔驚惶，公從容策應。卒賴救平黔人，立祠祀公。良有以也。癸丑十月，前滇督蔡公松坡解任入都，中央移公督滇。公以滇毗強鄰，非強兵無以應外，非練將無以強兵。故汲汲以擴充講武學校爲要圖，並設將校講習會，親任授課，其精神團結，不啻家人父子。故大理楊春魁、臨安張祿等亂，一鼓而平。如湯沃雪，旋以開武將軍兼巡按使，輕車出巡，蒐簡軍實，問民疾苦而吏治一振。又以滇地瘠民貧，實業未興，設農林、畜牧、紡織、墾殖、水利各局，以開富源，擴充富滇殖邊兩銀行，以活金融，取消集團，以維社會道德。籌設男女工廠，以裕平民。生計振興，學校以培植人材，百廢俱舉。人民熙熙如登春臺。異日舉義上下，輻瞻罔闕，樂輸皆公教養生息有以致之。當帝制未發生以前，公對於袁氏之蹂躪國會，解散議員，以及設立參政院，代行立法院，種種專擅，即喟然謂僚屬曰：袁氏將不安於總統之位，設有不法擅更國體，當與中原豪傑共除之。四年秋，籌安會初萌，公勃然曰：余前言殆不幸而中。雖然，余誓不與此叛國者共戴一天。於九月十一日，招集軍界中堅諸人，密議約定三件：一、積集提倡部下愛國精神；二、準備武

裝預備作戰三、嚴守秘密十月初七日復召集軍界中堅數人議定起義時機有四、一、中部各省有一省可望響應時二、黔桂川有一省可望響應時三、海外同志或華僑接濟餉糈時四、以上三時機均歸無效時本省爲民國存亡爭持人格計亦須起而反抗復於十一月初三日仍召集軍界中堅諸人議定外須虛與委蛇內須嚴防奸細煽惑軍心等件然深慮滇省以一隅而抗全局其兵力器械皆應早爲籌畫藉增防爲名擴充軍隊其擴張之策一、招集退伍兵士二、召集賦閑軍官三、編練警衛兩團四、招添講武學員五、添練新兵六、徵補各團營缺額七、籌備軍需軍械復以滇省發難之後如無聲援恐勢孤方弱議定對外之策有四一、密與貴州軍界約二、招納海內外同志三、派員赴各省聯絡四、派員偵查各省軍情未幾假民意之製造已成大典籌備處之叛跡已昭公以彼製造民意之僞電足爲盜國鐵證執此以告國人彼雖狡詐百喙莫辭於是積極進行準備然外仍表示鎮靜與袁氏爲表面上之敷衍嗣松坡被查抄既赴日本公密電招之並聞李協和已至港乃派鄧泰中往港滬並招致之維時統率辦事處迭有密拏黨首某某諸人之電至滇十二月十二日

會 澤 文 牘 上 卷

復有准以全權便宜處置。無論何人。但有謀亂情形。立置於法之電。是時海防河內。老街一帶。袁探密如蛛網。公心慮之。復派唐繼禹借名調查自來水機。至海防迎致。蔡李陰爲保護。十二月中旬。蔡李兩公先後抵蒙。自袁氏偵知密電。阿迷縣知事張一鷗相機暗殺。事爲公知。密電駐蒙劉師長祖武嚴防。偕同唐繼禹等送蔡李諸公到省。一鷗料事洩。懼而逸。卒獲之。殲焉。舉義前大會於公之私第。與會者蔡鏗、任可澄、李烈鈞、羅佩金、戴戡、劉祖武、張子貞、庾恩賜、方聲濤、顧品珍、熊克武、由雲龍、龔振鵬、唐繼禹、趙又新、以及各旅長團長等。皆此次護國重要人物也。議既定。有謂宜設臨時元帥府。推公爲臨時元帥者。與議重要人亦主之。公意不謂然。且謂吾輩此舉。專爲推倒帝制。重建共和。曾經一再申明。無一毫權利思想。若遽以元帥自稱。是小丈夫爭權奪利者之所爲。非吾輩所宜行也。且雲南雖據西南上游。有席捲蜀湘。旁通兩粵之勢。但地瘠民貧。交通不便。以之首先發難。則可。若以一隅而抗全局。究不免螳臂當車之慮。故首義而後。甚望各省鑒此苦衷。同時響應。然後公推賢能組織政府。較爲正正堂堂。且按照約法。應推黎公繼任大總統。衆議避之。仍主以都督名。

會

澤

文

牘

上

卷

義號召指揮。次日復歃血爲盟。於二十三日發電促袁氏取消帝議。懲辦禍首楊度等十三人。以謝天下。限次日答復。至二十四日袁無答復。遂宣布獨立。公意欲出任總司令。留蔡籌戰守。衆議仍推公爲都督。公屢辭不獲。乃任蔡松坡爲第一軍總司令。李協和爲第二軍總司令。分道出師。公坐鎮滇中。統籌全局。並兼領第三軍總司令。正月黔省表決一致行動。不一月各軍屢戰皆捷。南北震動。旋因龍氏以數萬人擾亂南防。川軍更以數千相率入寇。並分兵擾我適要各地。出征各軍復失勝利。楚歌四起。風鶴皆驚。其時尙有一片之安甯土者。惟省城一隅而已。公乃分遣軍隊。應變設策。未及旬日。各處皆次第克復。從此敵勢日衰。而根本重要之地亦漸底於平。及三月中旬。廣西獨立。未幾湘、粵、浙、蜀、秦、相繼響應。護國軍聲威遂大震於天下矣。各都督以外交財政軍事一切計畫。必須有統一機關。以爲總匯。對內對外。始免紛歧。乃由梁任公草就軍務組織條例。互選公爲撫軍長。岑春煊爲副長。梁啓超爲政務委員長。蔡鐸、劉顯世、陸榮廷、陳炳焜、李烈鈞、呂公望、戴戡、羅佩金、劉存厚等爲撫軍。軍務院既成立。袁氏益窘。乃取消帝制。猶欲保全總統地位。時亦有調和。仍擁袁

氏爲總統者。公通電主張論理論法。非袁氏退位。斷無罷兵之理。於是添編護國至八軍。以期最後之決勝。袁氏憂憤而死。黎公依法繼任大總統。公以元首得人。大局可望奠定。乃毅然通電撤消軍務院。以蘄早歸統一。是時對於政局各方面主張不一。更通電主張四則。一、恢復二年舊約法。二、召集國會。三、懲辦禍首十三人。四、召集軍事會議。以決善後。大總統皆次第舉行。國慶日授公以勳一位。暨一等大綬。嘉禾章。以隆崇報。公辭不獲。乃受之。臨事不避難。成事不居功。立身報國。具有本末。如公者。可以風矣。

目

次

中華護國三傑傳廣告

墨江楓漁庾恩陽著

雲南首義護國豪傑投袂奮起文經武緯濟濟一時就
中惟會澤唐公邵陽蔡公武寧李公尤爲傑出故或主
持全局或獨當一面無不各奏奇勛卒成大事編者以
三公先後同學東瀛後復同事滇黔今又同倡大義擁
護民國出身處地懷抱才略事功靡不相同特以龍門
合傳走筆編爲此書約二萬餘言篇中傳論三公皆自
出見解不同凡流海內外崇拜三公者得此珠聯璧合
之傑作讀之當益爲神旺也中插三公肖像全書洋裝
一冊於陽曆四月出版價目另定

總發行所雲南圖書館
代售處全國各大書坊

電報第一

致各省請聯電勸告取消帝制擁護共和電

致蘇徐贛桂四省請力與提挈共定危局電

再致各省請同申義憤擁護民國電

致服務各省同鄉軍界請共興義舉力奠共和電

致電報總分各局傳達要電請勿積壓電

致駐各國公使維持義舉電

致華僑請籌餉助義電

其二

飭各軍隊照常辦事並切實保護外國教堂教士電

致鳳凰廳出鎮使請同聲致討電

其二

復瀘州劉師長請聯合川東各軍以利進行電

復南甯陸上將軍王巡按使電

會 致南甯陸上將軍詳述義軍勝利情形請速興師電

致南甯陸上將軍詳論時勢請明示方針共扶危局電

澤 致南京馮上將軍請力與提携電

覆宿州張上將軍電

文 覆武昌王上將軍段巡按使電

覆南甯等處軍民長官電

履 覆南京等處軍民長官電

覆北京政事堂並致各省電

上 慰勉劉梯團長鄧楊兩支隊長戰捷電

慰勉貴州前敵各軍官電

卷 致龍司令怡庭請撤邱北方面軍隊電

賀欽州等處獨立電

復廣東段鄭楊諸君電

會 致章太炎電

賀湯都督獨立電

澤 致陸都督電

覆西安陳都督電

文 辭撫軍長職電

其二

續 其二

承認撫軍長職電

上 其二

其三

卷 其四

推戴黎副總統爲大總統通告外國電

設立軍務院通告外國電

會 請北京各國公使監視袁氏及其黨徒保護黎大總統電

致都司令部等處推荐劉師長存厚爲軍院撫軍電

澤 致大舟驛等處派員撫慰各軍電

致蔡總司令等請勸告周駿電

友 爲袁逆取消帝制致廣西陸都督電

其二

體 爲袁逆取消帝制致各省通電

其二

上 其三

復北京黎徐段三公電

卷 其二

其三

其四

黎大總統繼任電陳善後四事電

呈北京黎大總統請懲辦首禍諸人電

復北京黎大總統電

其二

致北京段前總長南京馮上將軍電

致都司令部等處電

其二

其三

復開封趙將軍田巡按贊同恢復元年所定大總統選舉法電

復湘湯都督贊同恢復舊約法電

爲軍事會議致南京馮上將軍電

其二

呈黎大總統暨段總理指陳時事電

會 復段總理電

復梁任公陸督軍諸公電

澤 爲粵事致北京國務院各省電

爲粵事致黔桂川浙等處電

文 致廣西陸督軍電

賀廣東陸督軍就任電

牘 致梁任公電

唁梁任公電

上 致蔡督軍問詢病狀電

致天津蹇季常電

卷 論民選官吏利弊通電

爲制定憲法致南京等處電

會

賀黎大總統正式就任電

黎大總統就任通知本省各文武電

呈大總統電

賀段總理衆院通過電

呈黎大總統電

賀段總理參院通過電

賀副總統當選電

賀副總統就任電

賀大總統壽電

賀副總統壽電

呈大總統辭勳位勳章電

致北京大總統請卹海珠死難諸人電

致梁任公電

卷

上

續

文

澤

復衆議院電

唁黃克強家屬電

致南京副總統請挈銜入告優卹蔡故督軍電

呈大總統暨國務院請予褒揚蔡故督軍電

賀羅督軍就任電

痛論政黨並聲明不入黨通電

請維持內閣通電

致徐菊人電

復副總統電

首義歲周通告始末情形電

致北京大總統電

呈大總統電

論制定憲法電 其二

會

澤

友

版

上

卷

文告第二

會 討袁逆檄

其二

譯 通牒各國文

照會各國公使文

交 照會各國領事文

佈告軍民起義情形文

訓 查禁謠言告示

訓誡第一梯團第一二支隊長文

上 佈告不承認袁政府所發公債及中交兩行紙幣文

照會請任護國軍籌餉總局會辦文

奉 照會請充護國軍美洲籌餉代表文

通飭招集閑散軍官文

招考陸軍志願隊文

會 曉諭軍民勿得加害龍濟光家族文

佈告義軍在川湘粵均獲勝利文

譯 諭蜀中人民文

批熊克武呈護國招討軍司令部組織成立文

友 諭普格阿都土司暨紳士等文

通告桂省軍將文

贈 佈告勦撫臨蒙箇土匪文

招撫逢春嶺逆匪文

上 曉諭紳民勿勾留逢春嶺逆匪文

諭誠負傷軍士文

委 委派滇川各軍慰勞員文

就撫軍長職曉諭軍民文

設立軍務院通飭知照文
佈告定期慶祝黎大總統文
訓誡僚屬文



書牘第三

致北京各師旅團營

其二

致南洋各埠華僑

致日本美洲香港印度等處華僑

復馬存發

致梁任公

其二

其三

其四

其五

其六

其七

目次

其八

復龔振州

致慰華僑

復岑西林

唁梁任公

其二

復岑雲階

其二

其三

致

楊鼎臣
朱經田
丁衡三

致滇省在外服官同鄉

復廣東北伐總司令段問泉

致

徐季龍
谷九峰
王亮時

張浦泉
章行嚴

覆鈕永建諸君

會 致章行嚴

其二

澤 其三

覆孫洪伊

文 覆上海徐謙

復王寵惠

船 復汪精衛諸君

致

溫 欽甫
唐 步川
王 亮 慈

復吳貫園藍公武

致

張 濟 泉 王 幼 山
湯 武 堂 陳 俊 明

諸君

卷 復谷九峰

其二

目次

復法京巴黎

講東發
吳永珊
李汝哲

諸君

復國會議員

致張鎔西

其二

其三

其四

致李印泉

其二

其三

覆四川漢軍統領楊起元

覆

謝東發
吳永珊
李汝哲

復熊克武

致劉曉嵐

復陳維藩

會
復彭程萬

致許雋人

澤
復李協和

復耿毅

女
復柏烈武

其二

請
致殷鑄夫耿鶴生彭謙雷程頌雲

致林森

上
致馮華甫

致柏烈武

作
致陳二庵

覆陸幹卿

目次

其二

其三

其四

致陳舜清

覆龍紫澄

致龍怡庭陸幹卿

致吳稚輝曾松翹

呈黎大總統

其二

其三

致段芝泉

致梁任公


致李協和

會 澤 文 誌 上 卷

致日本中將三浦梧樓法學博士吉野作造
覆譚組卷

目次

十九



雜文第四

會
誓師文

誓告全國同胞文

澤
慰勞護國第一二三軍及挺進軍文

慰勞劉總司令積之所部軍隊文

慰勞南防各軍將校兵士文

慰勞護國黔軍文

祭蔡松坡先生文

祭黃克強先生文

祭南防陣亡各將士文

祭擁護共和陣亡各官兵文

賀大總統壽文

祝黎大總統就任詞

卷

上

續

文

國慶紀念祝詞

滇省首義週年紀念祝詞

元旦祝詞

北京民國方報祝詞

北京覺報祝詞

北京英文京報社祝詞

上海中華新報祝詞

義聲報館出版週年紀念祝詞

雲南中華新報社祝詞

電

報

中華歷代
國外建功 三十六大軍事家列傳

墨江楓漁庾恩陽輯著

中國歷史自黃帝以來足爲軍人模範之大軍事家代不乏人顧對內之軍事家雖多而對外之軍事家實尠編者軍人也爰就平日所服膺者自黃帝擒殺蚩尤擴張領土以來如戰國時之趙武靈王李牧秦之蒙恬漢之衛青霍去病張騫陳湯傅介子班超馬援竇憲三國之士燮晉之謝玄唐之薛仁貴李勣郭子儀宋之寇準狄青宗澤岳飛韓世忠元之成吉思汗明之常遇春成祖鄭和戚繼光張輔王驥鄭成功袁崇煥清之年羹堯福康安左宗棠鮑超楊玉科共得對外之大軍事家三十六人輯刊列傳凡屬軍人暨崇拜古英雄者不可不人手一編俾知吾中國所以有今日廣漠無垠之疆域成爲偉大莊嚴之中華民國胥拜歷代國外建功諸大軍事家之賜也全書洋裝一巨册 於陽曆四月出版價目另定

總發行所雲南圖書館
代售處全國各大書坊

致各省請聯電勸告取消帝制擁護共和電

南京徐州南昌濟南杭州南甯武昌長沙安慶福州廣州天津開封太原西安齊齊哈爾吉林蘭州迪化將軍巡按使護軍使并轉各鎮守使師長旅長團長各道尹察哈爾熱河綏遠城歸化城都統各報館均鑒華密頃致中央華密漾電文曰北京大總統鈞鑒華密自國體問題發生羣情惶駭重以列強干涉民氣益復騷然僉謂誰實召戎致此奇辱外侮之襲責有所歸乃聞頃猶籌備大典日不暇給內拂輿情外貽口實禍機所醞良可寒心竊惟我大總統兩次即位宣誓皆言恪遵約法擁護共和皇天后土實聞斯言億兆銘心萬邦傾耳記曰與國人交止于信又曰民無信不立食言背誓何以御民綱紀不張本實先撥以此圖治非所敢聞自停止國會改正約法以來大權集於一人凡百設施無不如意憑藉此勢以改良政治鞏固國基草偃風從何懼不給有何不得已而必冒犯叛逆之罪以圖變更國體比者代表議決吏民勸進擁戴之誠雖若一致然利誘威迫非出本心作僞心勞昭然共見故全國人民腐心切齒皆謂變更國體之原動力實發自京師其首禍之人皆大總統之股

肱心膂蓋楊度等所倡之籌安會煽動於前而段芝貴等所發各省之通電促成於繼大總統知而不罪民惑實滋查三年十一月二十四日申令有云民主共和載在約法邪說惑衆厥有常刑嗣後如有造作譎言紊亂國憲即照內亂罪從嚴懲辦等語楊度等之公然集會朱啓鈴等之秘密電商皆爲內亂重要罪犯證據鑿然應請大總統查照前項申令立將楊度孫毓筠嚴復劉師培李燮和胡瑛段芝貴朱啓鈴周自齊梁士詒張鎮芳袁乃寬等即日明正典刑以謝天下渙發明誓擁護共和則大總統愛國守法之誠庶可爲中外所信而民怨可稍塞國本可稍定矣繼堯等夙承愛待忝列司存旣懷同舟共濟之誠復念愛人以德之義用敢披瀝肝膽敬效忠告伏望我大總統改過不吝轉危爲安民國前途實爲幸甚再者此間軍民痛憤久積非得有中央永除帝制之實據萬難鎮勸以上所請乞於二十五日上午十點鐘以前賜答臨電零涕不知所云謹率三軍翹企待命等語竊以國勢至今危於累卵非大總統即日取消帝制懲辦元兇無以救亡堯等受國厚恩義無反顧諸公手造民國必不忍坐視淪胥切盼一致進行聯電勸告如天之福或定傾危敢掬血誠九

叩請命。

會 致蘇徐贛桂四省請力與提挈共定危局電

澤 南京馮上將軍徐州張上將軍南昌李將軍南甯陸上將軍均鑒。華密漾日勸告中
文 央並分致各省電諒達台覽。現在一切進行方法均已籌備切盼我公力與提挈共
定傾危爲登高之呼成假風之勢並盼指示一切無任翹跂。

文 再致各省請同申義憤擁護民國電

體 各省將軍巡按使各鎮守使護軍使各都統鈞鑒。前陳兩電計蒙鑒察。袁氏違法食
言背叛民國凡有血氣莫不痛心矧在服民國之官食民國之祿者。迺電告已一週
間響應者固不乏人尙有多省未聞同申大義一致進行見義不爲當仁而讓坐失
上 事機寧不可惜意者豈有戀於袁氏之爵祿不欲舍棄耶。夫袁氏爵賞之濫亦可謂
空前絕後矣。羊頭竈婢盡受官階走卒販夫咸膺爵位物以稀而可貴袁氏名器之
卷 濫如此豈尙有價值之可言果能同舉義師拔彼趙幟共和復故民國重新則是烈
烈轟轟光耀千載以視彼燭火之虛榮冗濫之官秩曾腐鼠之不若矣。又豈有感於

會

袁氏之私惠不忍背棄者耶吾人所受之官祿民國之官祿也受爵公廷謝恩私室君子鄙之何私惠之足云况袁氏要結雖工而陰狠實甚附我者則豢之如太馬異己者則誅之如寇讎爲怨爲德何常之有今日以私恩之故徘徊猶豫異日功狗之烹可翹足而待與其噬臍後悔何如及早決心左提右挈成功可必保節全身在此一舉不然其必以君憲政治爲可行耶姑勿論世界文明已趨共治君主國體日在淘汰之中即就現政而論袁氏就職以來摧殘輿論濫耗庫儲生殺由心法律芻狗民生困敝呼訴無門名爲共和總統實無異於君主專制凡所設施皆以爲其私耳所謂福國利民者安在哉其爲總統猶橫恣如是則異日之君主可知今若戮力同心剷除帝制推倒袁氏重建共和則法美之良規具在我中華民國巍然繼起於東亞大陸矣舍此三者之外則必其劫於積威之故而不敢發難不知籌安會發生以來薄海人民同深憤恨賢達君子高舉遠引衆叛親離已成獨夫攘臂一呼行見衆山皆應摧枯拉朽可操券而決又或狃於目前之安憫念民生之苦不欲變動貽累地方不知見小利者反致大害懷安樂者反貽困苦况今日我國民之困敝甚矣不

卷

上

體

文

澤

改絃而更張之。又何樂利之可言。今茲之舉。正所以去苦害之域。臻樂利之境。除帝制之毒。復共和之麻。安之大者也。人類以求安爲目的。不此之求。復何求哉。繼堯等計畫已定。著著進行。但有進死。更無退生。非達到還我共和國之目的。不止。諸公皆當世賢俊。手造民國。忍使莊嚴燦爛之名邦。墮於浩劫。而不復耶。神州陸沉。誰尸其咎。同舟共濟。大有其人。恐着鞭之先我。願負弩以前驅。切盼深諒。熱忱共興義舉。機緣可惜。宏願必償。蓋以正勝邪。以直勝曲。自然之驗。必至之符也。幸勿存心觀望。坐誤機宜。甘作公民之敵。自貽後至之羞。萬世千秋。永爲世界人之話柄。則幸甚矣。臨電神馳。佇聆好音。

致服務各省同鄉軍界請共興義舉力奠共和電

廣州龍上將軍天津朱將軍新疆楊巡按使襄陽黎鎮守使潮陽馬鎮守使欽縣王鎮守使虎門要塞黃司令廣州陸軍第二混成旅段旅長陸軍第一師部李團長均鑒。袁氏食言背誓。帝制自爲。不惜犧牲四億國民。求在一日天子。堯等一再諫阻。略不顧瞻。乃迫於全省軍民之要求。奉辭伐罪。將與四方豪傑。除此凶殘。前經電陳。諒

邀鑒及惟。淺。淺。愚。慮。尙。有。欲。陳。於。我。同。鄉。諸。君。子。之。前。者。袁。氏。罪。無。可。逭。夫。人。知。之。乃。或。瞻。望。徘徊。未。能。先。發。非。特。劫。於。袁。氏。之。積。威。抑。亦。成。敗。之。故。未。能。深。察。故。也。袁。氏。勢。力。在。於。北。軍。而。段。芝。泉。馮。華。甫。實。中。分。北。軍。之。勢。力。今。以。反。對。帝。制。故。段。既。被。毒。馮。亦。遭。忌。朔。方。健。兒。罔。不。解。體。北。京。拱。衛。軍。尙。且。譁。變。違。論。其。他。衆。叛。親。離。獨。夫。而。已。此。其。勢。力。更。何。足。畏。至。於。遠。賢。親。佞。立。致。傾。頹。古。今。中。外。理。莫。能。易。乃。梁。士。詒。張。鎮。芳。段。芝。貴。楊。度。顧。鼇。輩。皆。譏。諂。小。人。頑。鈍。無。恥。袁。氏。則。引。爲。心。膂。任。以。爪。牙。其。有。當。代。名。流。如。梁。任。公。徐。東。海。張。季。直。湯。濟。武。諸。人。則。皆。放。流。竄。逐。不。保。朝。夕。讒。人。高。張。正。士。碎。首。瓦。解。土。崩。可。爲。痛。哭。者。也。夫。一。國。之。元。首。中。外。所。具。瞻。也。袁。氏。逆。世。界。之。潮。流。而。施。專。制。復。乘。歐。戰。之。機。會。以。便。進。行。外。飾。內。欺。無。所。不。至。然。袁。氏。之。肺。肝。如。見。外。人。之。耳。目。難。逃。以。故。警。告。頻。來。已。窮。因。應。醜。行。畢。露。無。可。彌。縫。遂。使。全。國。蒙。羞。五。洲。騰。笑。袁。氏。而。尙。有。廉。恥。早。已。銷。聲。匿。跡。寧。復。儼。然。民。上。而。不。漸。吾。民。而。有。血。氣。亦。豈。低。首。下。心。宴。然。爲。之。臣。妾。而。不。怒。乎。吾。滇。人。士。痛。國。維。之。不。張。懼。禍。至。之。無。日。爰。整。義。旅。誓。除。神。姦。首。事。不。過。經。旬。風。聲。已。播。全。國。各。省。軍。民。長。官。除。袁。氏。少。

數鷹犬甘附亂逆外莫不秣馬厲兵爭爲聲應各埠僑商聞風歡忭亦復慨輸鉅款以餉義師振臂一呼立致百萬事之易集前所未有也夫袁氏曩所恃以侮弄一世者勢力富厚耳今官中烏喙已不復有與共憂患之人即竈下羊頭更何足爲收拾人心之具尸居氣盡鼯鼠技窮義軍所臨豈有不滅者哉昔湘軍以一隅之衆轉戰至十八行省延垂亡之清祚更數十年雖其効忠非人而義氣之盛勛烈之隆猶稱當世滇軍自民國以來仗義卹鄰戰功久著今更不惜捐千數百萬人頂踵以赴國家之難成則爲一旅之興夏不成亦可爲五百之殉田此亦千載一時之會也諸公滇中人豪海內物望並膺重寄於閩外久播威稜於國中當民國締造之初莫不有後先奔走之力忍見大盜潛移舉神明之胄裔以殉一人且使大好之山河永淪萬劫乎所冀奮袂羣興揮戈並起或據其肘腋或按其腹心犄角之形旣成首尾之勢相應必能殲此羣醜保我國民施聲譽於無窮奠共和於奕世國家之福桑梓之光也鄉父老子弟延頸跂踵以望諸公久矣諸公其有意乎堯等力慚填海志切回天惟我里仁同此袍澤羣力羣策所望於諸公愛國愛鄉請充此一念敬申誠悃逖

聽義聲

會 致電報總分各局傳達要電請勿積壓電

各省電報總分局均鑒。袁賊謀逆禍國招侮。薄海痛憤。羣思得而甘心。繼堯等不忍民國之淪亡。敬竭棉薄。爲國前驅。耿耿愚誠。具詳通電。知蒙鑒察。現在各省聯合。同申義憤。次第發動。日有好音。袁賊之亡。可立而待。但軍事之消息遲速不同。則成敗攸分。故電報傳達關係全局。當此風聲鶴唳之日。袁政府嚴重檢查。明密電報易致積壓。恐誤事機。諸君子熱誠愛國。務懇格外力勤。勿論何處。明密電報隨到隨發。力避積壓。事機緊急之時。一紙電碼。直賢於十萬師。他日克奏膚功。凡我國民。皆拜諸君之賜矣。夙夜劬勞。爲國珍衛。

上 致駐各國公使維持義舉電

倫敦 波爾多 維也納 日本 東京
華盛頓 彼得勒格 柏林 羅馬 中國公使鑒。袁氏背叛民國。帝制自爲。內

卷 拂輿情外。召干涉。迭經勸告。怙惡不悛。繼堯等受職民國。祇知鞏固共和。現已糾合義軍。嬰守滇黔。嚴拒僞命。傳檄聲罪。共逐獨夫。地方又安。軍民揚厲。公等銜民國之

命當必效忠宣勤。務望鼎力維持。同聲義憤。不勝盼禱。

會 致華僑請籌餉助義電

澤 華僑同胞公鑒。前電計蒙鑒察。繼堯等既經宣佈反抗帝制。擁護共和。袁氏頑強。空言無效。不能不以實力解決。現已編制護國第一二兩軍。次第出發。分道湘蜀。直搗幽燕。破釜沉舟。誓達目的。惟是餉需浩繁。羅掘無計。夙仰我海外諸父老昆弟眷懷祖國。高義薄雲。謹率滇黔全體士民。南望山禮。乞賜援助。或解囊以充軍實。或選械以濟急需。如蒙惠許。卽乞隨時逕匯滇政府照收。或彙集港滬。知照派員領取。異日共和重建。民國維新。則 貴埠義聲。燦古今震中外矣。

其二

上 分電南洋非洲美洲日本香港印度各埠商會中華會館籌餉局諸僑胞公鑒。自袁氏叛國。帝制自爲。倒行逆施。普天同憤。繼堯爲維持國體。擁護共和。仗義興師。事非得已。幸宣佈以後。迄今兩月。黔桂響應。甯蘇贊同。如川如湘。所向克捷。行將會師。武漢直搗幽燕。八表重光。當在指顧。惟是首義區域。軍用繁多。籌集餉糈。實爲先務。前

會 澤 女 讀 上 卷

經分任海外同人擔任籌餉代表并攜有勸捐公啓多份代達僑胞諸君茲先後接得代表來函具述諸君義氣熱忱眷懷祖國輸將慨諾見義勇爲卜式風高莛高誼重海天翹企欽佩莫名尙冀早集義金共扶大局庶衆擎易舉克摧強敵之鋒轉危爲安實拜仁人之賜至匯欸方法希商同代表用商號名義匯滇當能有濟也特電奉佈祇頌公祺

飭各軍隊照常辦事並切實保護外國教堂教士等電

雲南各局分送各師旅團營長覽自國體問題發生以一人之私意二三佞幸之弄權致令全國人心囂然不靖馴至外人羣起干涉五國警告頻來辱國喪權於斯爲甚而大總統曾不悔禍堅欲實行舉國皇皇懼禍至之無日故主張取消帝制之議人心實已大同現由多數省分軍民長官往返密商並擬聯電中央切實勸告速下取消帝制之明令更爲擁護共和之宣言戮力同心務達目的本將軍斟酌國勢顧念民依不能不一致進行已於本日列電入告惟茲事體大關國存亡誠恐各屬吏民未能深悉此意尤慮少數匪徒或竟乘間造謠各地人心不免驚擾各該師長等

責任所關。無可諉貸。務各照常辦事。禁絕浮言。各保地方之治安。靜待茲事之解決。至於內地之外國教堂教士。以及遊歷外人。各口岸外商。尤當督飭所屬。照約切實保護。毋得稍有疎失。致碍邦交。大局攸關。幸毋忽視。特電。

致鳳凰廳田鎮守使請同聲致討電

鳳凰廳田鎮守使鑒。丹密並轉陶副鎮守使。袁氏叛國。僭稱帝號。強鄰干涉。損辱國權。猶復倒行逆施。進行不已。同人等不忍國之淪亡。胥爲奴隸。爰舉義師。保障共和。東南各省。悉已同心。我公愛國熱忱。素所仰佩。當必同聲致討。滅此妖孽。特以密陳。尙希賜覆。

其二

鳳凰廳田鎮守使鑒。丹密前電致拳拳。諒達左右。昕夕想望。未奉還雲。我公忠義奮興。夙所仰佩。今茲義舉。寧讓。人先度前。此敵軍近據腹心。不無瞻顧耳。今護國第一軍入川。曾不兼旬。已迭敗北軍伍。馮兩旅。進據叙瀘。川中劉師長存厚。周鎮守使駿。并已宣布討袁。同時響應。全川底定。指日可期。護國第二軍不日取道粵西。會師入

會 粵護國第三軍前隊亦已占領晃縣行將進規辰沅殄滅曹部敵軍屢敗之餘早已聞風喪膽亡秦必楚寧異所聞三湘健兒諒同發憤得公從中主持一切必能早建殊勛庶免敵軍久溷湘中致重地方之禍功無與讓時不再來敢廣袍澤之歌惟望劍履之及側望雲湘不盡縷縷

澤 復瀘州劉師長請聯合川東各軍以利進行電

文 瀘州劉師長鑒丑密奉覆極表贊同欽佩無似公卓識鴻猷爲同學中素所推重今果宏此遠謨同人異常歡慶重慶爲川省重鎮關係全局尤應藉重鼎力設法聯合一氣俾前途進行無阻將來東南保障卽惟公是賴不勝企禱之至

陪 復南甯陸上將軍王巡按使電

上 萬急南甯陸上將軍王巡按使鑒有電敬悉承詢深紉關切變更國體是否真正民意箇中人不言可喻前次投票勸進特以衷意不可復回藉此以穩其惡而速其誅耳帝政能否有利於國事勢瞭然內察輿情則怨讟朋興外審國交則警告紛至孤行己意衆叛親離首都一隅正人君子明辭暗逃朝著一空各省面從心違密謀對

會
待函電信使絡繹於道。亂機四伏。有觸即發。敝省以爲事勢至此。發速則禍小。發遲則禍鉅。發動自上。則有條不紊。發動自下。則不可收拾。當於有日。會同黔省。誓師討袁。通電各省在案。各省事前密商。多表贊同。大勢所趨。指顧可定。兩公熱忱愛國。夙所欽重。務懇迅赴事機。一致進行。以除兇逆。而維大局。無任企盼。

澤
致南寧陸上將軍詳述義軍勝利情形請速興師電

文
南寧陸上將軍鑒。華密迭布拳拳。諒均登覽。曩者頗聞左右所言。知公大節凜然。義不稱臣。袁氏私衷嚮往無窮。比曾君其衡來。傾談累日。愈知大君子觀變沉幾。非下走所能遽測。惟事勢至今瞬息萬變。愚慮所及。亦有欲爲左右更進一籌者。滇中首事頃及月餘。內部秩序井然。行所無事。對外則萬衆一心。誓不與袁氏同此履戴。凡諸實情。聞曾君并有電達袁黨。造作種種虛詞。誠不值識者一噓。月前叙府橫江之戰。伍祥禎號稱北軍健將。以混成一旅之衆。嬰險拒守。曾不能當。我前敵一麾。伏尸數百。遽至奔潰。今瀘州繼下。川軍劉積之師長周吉珊鎮使。并已響應。我軍川事大定。指顧間事耳。黔頃始宣布獨立。軍實籌備已久。先遣偏師。已據沅晃。湯薌銘近在

曹軍肘腋三湘健兒罔不發憤嚮義討逆事猶反手此外東南各省內情早在洞鑒而近頃內外蒙古反對帝制亦宣已布獨立昨得哈瓦士特電蒙軍確將取道綏遠進搗燕京三十日已據歸化袁氏手足腹心禍機四發其亡其亡勿待再計所慮者民軍多一日遲迴袁氏即多一日預備流毒愈廣則將來收拾愈難如能及時解決斯爲國家之福耳今龍氏在粵已陷四面楚歌中坐擁愁城不保朝夕但得公振臂一呼西南大局立可底定然後陳師鞠旅戮力中原攘除姦宄再造民國此真千載一時之會亦吾儕軍人效命之秋也我公老成謀國密運智珠自有成竹寧侯借箸惟國命垂危不能不立望和緩之施治究竟尊處發表當在何時將來進行方略何似急願得聞其略佇盼不盡

致南甯陸上將軍詳論時勢請明示方針共扶危局電

南寧陸上將軍鑒華密迭電奉悉以公愛國血誠根於天性又前從各方面得聞種種消息知賢者所未易窺識誠不敢以不肖之心妄測左右惟鄙意有亟欲與左右切究之者帝制之議初起堯等深維器忌亦嘗妄冀瓦全乃自五國勸告以後據中

會

澤

文

牘

上

卷

夫可靠消息。袁氏但求包羞。不惜效石敬瑭張邦昌之故智。辱國喪權。無所不至。及今不圖國將永淪萬劫。不復堯等劍及履及。以從今役。豈有他哉。爲國故也。今舉事已經旬日。海內賢達。殆無不曲諒其意。其猶有瞻顧徘徊。未能遽決者。度於國內情勢。或未深察。故也。夫袁氏不除。吾國必亡。既如前言。而袁氏之敗。已可預決。則猶有說袁氏侮弄國民。窺竊神器。對內既假。對外論以自飾。對外復借民意。以相欺。今假面既揭。醜行畢露。內外交譏。威信全失。其必敗。一段芝泉馮華甫皆以反對帝制。橫被僇辱。北軍將卒。莫不解體。黎副總統。迫欲自戕。輿情尤憤。親離衆叛。是謂獨夫。其必敗。二袁氏故人。如徐東海嚴範蓀。海內物望。如梁任公湯濟武。并已割席分交。潔身引退。其依憑城社。固位竊權者。則梁士詒段芝貴楊度顧鰲輩。穢德彰聞。衆所不齒者也。讒人高張羣邪。并進其必敗。三袁氏生平實以利用金錢爲唯一之手段。今對外已失信。用故銀行借款。迄未能成。中央政費積欠至鉅。此後外源既竭。運掉不靈。驢技將窮。不亡何待。其必敗。四就令袁氏適有天幸。不卽敗亡。然袁今年五十八歲矣。人壽幾何。一朝溘逝。景升豚犬。誰可恃以安定國家者。况斗粟尺布。內園已成。喋

會

血尋仇爲患曷極終亦必亡所爭蚤暮已耳尤可慮者黨人之於袁氏久欲得而甘心今幸有隙可乘勢更不可遏抑萬一禍機暴發暴亂相尋袁氏無以自存國家亦必無幸我輩斯時又將何以自處乎何幸吾輩執持於上始終爲有秩序的進行如天之福猶可爲國此堯等所由願作先驅誓與一決冀仗不死之人心以延垂盡之國脈者也且袁氏難共憂患公所深知也吾輩爲彼宣力寧有過於馮段諸公即甘爲鷹犬亦豈有加於趙秉鈞王治馨應夔永其人者今舉棋不定退無以自解於國民進無以取信於袁氏他日身名俱裂蓋可預期故吾輩僅爲身謀猶當求所以自處況爲國家存亡所繫可不勗哉今茲健者實惟我公大局之安危將在舉足之輕重前聞哲嗣道卒禍由袁氏中外報紙并著微詞公義私仇庶并申雪其必有意乎昨承一再電告堯等愚昧未契高深敢乞明示方鍼俾勿啓惑迫切待命

上

致南京馮上將軍請力與提携電

卷

南京馮上將軍鑒直密迭電諒達滇黔并已着手進行近得川中消息亦得多數同意惟二庵尙是游移陸幹卿表面似頗沈寂暗中亦有組織西南方面大可無慮惟

滇黔窮僻堯等材復驚下。此次倉卒首事。特爲諸公負弩先驅。亦恃人心不死。必能相與有成耳。袁氏食言背誓。衆叛親離。測其勢力。殆達零度。故區區愚慮。不在此時之不易驅除。而在將來之艱於收拾。謂非有繫天下重望者。出任仔肩。必不足以維繫人心。奠安全局。竊計海內健者。實惟我公。此殆非異人任。頗聞芝泉總長已投凶燼。憤惋曷窮。哀於我公。亦積有猜嫌。過事遲迴。恐後亦難措手。金陵雄鎮。南服更得我公。登高一呼。雲集景從。事如反掌。寧惟堯等之幸。國家實利賴之。請代四億國民九叩以請。臨電屏營。翹跂待命。

覆宿州張上將軍電

宿州張上將軍鑒。宥電敬悉。危言高誼。佩感同深。此次袁氏罔民誤國。對內對外。威信全墮。聽其所爲。則種奴國亡。必無倖理。故各省主張反對大致略同。都非得已。滇黔窮僻。堯等材復驚下。以抗袁氏。明知卵石不敵區區之意。特爲諸公負弩前驅。亦恃人心不死。必能鼓桴相應耳。在我輩推翻專制。改建共和。本爲安定國家。可告無罪於清室。若乃食言背誓。帝制自爲。微論外侮。內鬪無以爲國。即我輩對於清室已

會 擇 文 履 上 卷

切切無可自解。我公眷懷故君。久而彌摯。純忠大節。海內昭然。今袁氏置國家於至危。復陷我輩於不義。下走所由憤興。度亦從者所深惡也。且袁氏何常之有。黎段諸公。宣力效忠。可謂甚至。而拘囚窘辱。尙未知命在何時。烏盡弓藏。古今同慨。時至今日。公猶不知所自處。乎尊處控制江淮。鎖鑰南北。更得我公登高一呼。必能使海內景從。中外傾聽。舉足輕重。立判存亡。凡此曉曉。要非過計。惟乞亮察。不盡屏營。

覆武昌王上將軍段巡按使電

火急武昌王上將軍段巡按使鑒。有電敬悉。矢志救國。人同此心。惟中華民國之人。應救中華民國。聖人復起。不易斯言。袁氏謀覆民國。在約法爲叛逆。若云民意。則國體投票。挾詐弄術。純由造作。是否民意。個中人何必自欺。前次勉徇亂命。舉行投票。及通電勸進。並非有意從逆。徒以袁氏多詐。故姑與委蛇。以稔其惡。而速其亡耳。幸勿誤會。謂係中變。此心此理。各省從同。自帝制問題發生以來。人心皇皇。怨讟蜂起。工商輟業。市肆夕驚。京外正人君子。引避逃亡。朝署爲空。此種情形。有目共睹。人心瓦解。此豈謠言。而况五國警告。至再至三。干涉之機。括已露。搪塞之空言。何補不自。

會

澤

文

牘

上

卷

歛抑恐石敬瑭張邦昌之故事行再見於今日內審輿情外察邦交亂象敗徵不寒而慄繼堯等中夜徬徨以爲逆謀不戢必不免於危亡是用聯合各省仗義執言問罪獨夫收遺政府各省軍民長官皆國家之棟樑非袁門之鷹犬現已往返籌商各發戒備雲從景合指顧可期兩公熱忱愛國洞察時局較順逆之跡計勝敗之情幸即早決大疑同申義憤據左右輕重之形勢樹南北繼起之風聲使袁氏懾威早遁大局易於收拾則再造民國誰與比烈若或坐昧全局眷念私情不顧衆叛親離甘爲權驅術使微論衆矢所集已知曲直壯老之分即能久於相持亦徒重生靈塗炭之禍貽強隣漁人之利而已况袁氏不仁以趙智庵段芝泉馮華甫之服勤效忠今竟何如者即以赤心奉袁恐兩公他日亦不免東門黃犬之嘆矣爲國爲己兩公幸熟權之

復南甯等處軍民長官電

分送南甯陸上將軍王巡按使安慶倪將軍李巡按使浙江朱將軍河南趙將軍田巡按使山西閻將軍金巡按使福州李護軍使許巡按使吉林王巡按使上海楊鎮

守使盧師長齊齊哈爾朱將軍張家口張都統鑾華密賜電敬悉懼左右不察謂堯等前電係出脅迫或別有原因敢掬血誠再塵清聽君主民主本無絕對美惡可言堯等亦非有憾於袁氏也惟職此之故致國家主權喪失殆盡則堯等尙有天良萬難承認此次籌安會發生之離奇事務局選舉法之乖謬段梁等種種密電之舞弊諸公同處局中更何諱飾則主張帝制之是否民意自不待言如謂前次何以不言則如黎段徐諸公皆海內人望袁氏故人言之無效且得罪矣堯等言之徒取戾耳如謂前已贊成何復反對則袁氏不憚弁髦約法背棄誓言堯等此舉更何足異且前此亦欲以全體贊成俾袁氏少全顏面仍徐冀其警覺還自取消庶對內對外威信不致全墜此區區之意而不意袁氏之悍然不顧終出此下策也至謂外交困難近將解決尤非事實夫五國干涉寧苟而已但不惜犧牲一切權利悉聽要求則何不可解決者特不知國體解決後我國民尙有死所否耳要之袁氏一意倒行國亡已決堯等今日亦是死中求活徼倖萬一旦借以風示外人使知吾國人心未死冀少戢其野心至成敗利鈍非所敢知是在我全體國民之自決而已我公洞明大局

於國家存亡之故計之已熟袁氏難共憂患亦所深知賢如芝泉甘爲鷹犬如趙智庵王治馨結果如斯可爲殷鑒我公寧忍自絕生機張其凶燄惟乞始終爲國不盡
百一翹盼明示

復南京等處軍民長官電

南京馮上將軍齊巡按使宿州張巡閱使熱河姜都統天津朱巡按使成都陳將軍
杭州朱將軍屈巡按使南昌李將軍戚巡按使安徽倪將軍李巡按使福州李護軍
使許巡按使吉林孟將軍綏遠潘都統公鑑華密諸公東電蒸奉堯等痛念國危電
請懲辦元凶取消帝制此實代表國民之公意非一二人之私論乃袁氏怙終曾不
悔禍方汲汲顧影求遂其一日天子之私不惜以大好山河爲其代價是袁氏已成
背叛民國之罪人而堯等則固受命民國之官吏也爲此義不反顧計不旋踵劍及
履及以從今役以事之方殷未獲以誠欸自通於左右乃蒙殷殷致意許以愛國復
諒其無他聞命之餘且愧且感惟懼左右之不察謂茲事之起或緣於他力抑別有
野心因惜其是非之未明利害之未審用敢再申愚慮爲左右一詳陳之各省贊成

帝制並具苦衷諸公同在局中言之至爲深切蓋緣於遵崇政府鞏固邦交之一念故不憚委曲求全亦冀袁氏之終自轉圜則威信猶不遽失墜也至萬無挽回之望不得已而出於抗議之一途跡誠隣於反覆而心可質夫地天吾愛吾國誓初心之不渝我罪我知聽國民之公決雖墜損之已多苦欲解而無術也袁氏舞弄全國予智自雄前此不乏建言之人莫能動其一顧既乃勢成騎虎迫欲包羞非犧牲極大之權利不足爲利益交換之條件圖窮七見無可諱言帝制遂成國亡無日矣時至今日諸公謂猶是空言所能挽救乎夫袁氏難與圖存以吾輩之迫於救國外人亦所深悉但得諸公相與提挈使亂事無自發生何至藉口興戎顯違人道抑堯等以爲急不暇擇惟是害取其輕耳至滇本窮瘁堯等才更闇愚惟忝列司存不敢棄其職責事非違衆本無從下之嫌義等前驅何有非分之望所擁護者原有之民國所執持者不死之人心故一朝首義三迺臚歎將士有必死之心國民多後援之念觀其千夫共膽萬衆一心實足令天地回心風雲變色此中外人士所共見非堯等之飾詞也慮致怨尤殊非事實至若謂權利所在或啓內部之爭良莠雜投亦有失人

卷

上

附

文

澤

會

之懼則此時滇中人士將生命之不恤何勢位之可言暴動譁爭千萬勿慮而堯等初更事變雅愛平和苟非真能救國之人決不願爲同心之寄蓋深念終之實難而始之不可不慎也此間各國領事間相過從以地方秩序之必能保全莫不表示善意又以見心理大同可爲諸公告也夫聽袁氏之所爲立致亡國諸公所知也諸公愛國之誠亦國民所共信也倘諸公一致主張同申誅伐袁氏縱極昏惑度亦無敢枝梧必能使七粵不驚共和永保則我四億神明之胄庶可免於淪胥卽袁氏垂暮之年或可保其娛樂諸公忠於民國亦所以報於袁氏也否則知袁氏之必敗而姑與委蛇知大亂之在前而猶思倣倖竊恐人心已去補救終窮肘腋之患羣生崩解之勢莫挽愈重袁氏之禍無救國家之亡徒苦吾民何嗟之及以諸公之明固知其決不出此特心所謂危不敢不以告耳要之艱難締造之民國必不忍坐視陸沉非袁氏取消帝制懲辦元凶誓不與同履戴區區之志之死靡他此外稍有纖芥之私心卽爲國民所共棄皇天后土實鑒此言諸公高義嘉惠實深幸竭愚誠仍冀垂聽不盡縷縷

覆北京政事堂并致各省電

會澤文牘上卷

萬急北京政事堂統率辦事處各省將軍巡按使並轉鎮守使宿州巡閱使承德張家口歸化廳都統上海福州貴陽寧夏護軍使鑑堂處寢電俱悉約其要旨一謂列國勸告並非干涉一謂變更國體全出民意故以滇電各節爲自認干涉任意造言請並致膚辭幸垂聽焉夫一國內政乃至容他人之置喙奇恥大辱寧尙可言彼將曰我非干涉我亦曰是非干涉特友誼之勸告云耳政府諸公必俟他人之舉刃加頸而始謂之干涉耶世固有奴其國亡其種猶日號於衆曰我尊重其主權也我特代理其內政也非有利於彼也彼國之君若臣固有於宗覆社屋而後猶自謂國之尙存權之未失者此固不乏先例政府諸公其謂之何至欲知變更國體之是否民意則當視發起茲議之爲何人與辦理茲事之爲何等手續籌安會請願團發起諸人非袁氏之爪牙心腹即僉壬譴張衆所不齒欲藉此以階進者也其能否代表民意國人自有公論若夫國民代表會選舉之謬妄支離梁士詒朱啓鈴顧鼇輩種種通電之蒙蔽舞弄堯等尋將加以輯錄刊布中外則此事是否民意自可勿庸費詞

政府諸公同處局中更勿俟深辨矣。至如滇中兩次勸進，別具苦衷，則固有說國於大地君主民主皆可爲治，在施行何如耳。國體問題初起，特疑發起之非其人，與發生之非其時，而梁朱輩日馳電告，則皆謂內外之一致果如所言，何敢立異。乃未幾而五國之勸告迭來，未幾而各省辦理選舉之醜態畢露，當以爲內外情勢既已如是，中央非極愚闇，寧罔聞見各省仍復勸進中央，自必轉圜。則對內對外威信差，可不墜猶爲中國之福，而不意悍然不顧，竟出此下策也。各省諸公一致贊成，心理當不相遠，寧皆隨波逐流，中風狂走哉。度並有所不得已也。堯等當事機至迫之時，亦既披瀝腹心，敬效愚慮，乃荏苒經旬，略不置顧。始迫於全體軍民之要求不得已而出此最後之忠告。皇天后土實鑑此心。政府諸公猶不悔禍，尙謂任意造言誣讎。我全國官吏欲以少數人違心蔑理之詞掩蔽天下人之耳目，且以爲本無干涉而自招本無外侮而自啓，本無奇辱而自求竊謂此政府諸公之自道。尤冀諸公就良心上一爲判決也。要之國事至今寧止可爲痛哭堯等萬死不顧一生，惟知有國他非所論不辭縷縷，幸鑑區區。

慰勉劉梯團長鄧楊兩支隊長戰捷電

昭通探送劉梯團長叙府鄧楊兩支隊長覽敬電悉前鋒告捷足壯聲威淨掃逆氛此其發軔我兄暨各同袍奮勇先登論功稱首遙聞露布距躍三千尤冀乘勝長驅成渝直搗策勳願至庶副心期

慰勉貴州前敵各軍官電

冕州王司令並轉各營連排長銅仁專送盧團長並轉各營連排長均覽袍澤三年睽違兩地追維舊雨彌用拳拳迭接諸君來書具感相念之厚以公冗未及裁答然思憶至深遠也舉義以來滇黔一氣中外同欽諸君身履行間迭獲優勝忠勇奮勵金石爲摧矧茲逆醜何難殄滅現我出川之師既佔叙州進攻瀘渝川南一帶相率響應成都動搖人心已去蜀省全局不日可定昨據確報新疆已宣布獨立廣東惠潮清遠先後舉義北方則蒙軍長驅南下已逼幽燕袁逆孤立之勢斷難持久惟盼諸君努力進行將與諸同志會師武漢直搗幽燕恢復共和還我民國諸君不朽盛名與國無極堯亦隨諸君後得覩太平斯則私衷之企幸者也別久思深聊抒積悃

以當面談

致龍司令怡庭請撤邱北方面軍隊電

廣西行營龍司令怡庭鑒。昨得通電宣佈贊助義軍。擁護共和。足見心理皆同。當仁不讓。遜聽之下。欣佩奚如。現據第二軍李總司令報告。迭准貴軍約會下令停戰。另行計畫協力進行事宜。操戈同室。仁智不爲。此舉良不容緩。惟邱北方面尙有貴軍勾結土匪。侵犯滇境。擾害公安。似因交通不便。貴軍停戰命令一時不能到達。務望從速轉令邱北方面貴軍。迅行退出滇境。以免彼此衝突。內自相殘。臨箇之役。擊斃土匪數千。赤子何辜。堪爲憫惻。台端明慈。諒早鑒及。希速飭知爲盼。

賀欽州等處獨立電

欽州馮總司令廣州陸都護使熊副使胡統領李司令周司令薛司令楊司令香山任總司令林副司令耿參謀長均鑒。沁日先後接誦來電。欣悉諸君相繼宣布獨立。誓掃專制。還我共和。袍澤同歌。義聲丕振。從此一心協力。重振山河。翹企嶺南。曷勝驚鼓。除由此間筮期慶祝外。特覆奉賀。並希隨時惠教。藉匡不逮爲幸。

復廣東段鄭楊諸君電

廣州段軍長及鄭炳然楊進卿諸君鑒。宥日接微電。備悉諸君愛鄉愛國。情見乎詞。外則袍澤同歌。內則梓桑共保。公私兩顧。無任欽遲。堯雖不才。頗喻斯旨。是以臨箇起事之初。卽經派員前往勸導。殊黃恩錫等始終抵抗。既陷邱彌。復擾臨屏。迤南各地。糜爛不堪。堯爲保安地方起見。不得已而始有派兵之舉。現在事雖平定。然餘氛未淨。人民猶苦流離。業經電請龍督速派妥員來滇。飭令黃恩錫等及早繳納槍械。其餘各事。均可和平解決也。至於龍氏家屬廬墓。經嚴飭認真保護。毫無損傷。并乞轉達前途。釋念特覆。並頌公祺。

致章太炎電

肇慶探送章太炎先生鑒。夙仰鴻才。未親塵教。兼葭秋水。我勞如何。頃聞台從蒞肇。距滇不旬日而近。務乞枉駕一行。俾滇人士得親丰采。堯亦就領教言。不獨慰宿昔嚮慕之懷。卽金碧山川。亦當爲之生色矣。謹當竭誠歡迎。尙冀不我遐棄。

賀湯都督獨立電

會
火急長沙湯都督鑑。頃據鎮筵田司令應詔轉奉尊處電。欣悉貴省已於五月十八日宣佈獨立。擁護共和。袍澤同歌。曷勝額慶。特電奉賀。並望隨時惠教爲幸。

致陸都督電

澤
行營陸都督鑒。日奉漾電。欣悉我公率師出湘。前軍已進佔衡州武崗等處。義聲丕振。欽佩莫名。頃間又適接鎮筵田司令電。稱奉湯都督電。長沙於十八日宣佈獨立。等語。良由軍威所至。足以化干戈而爲玉帛也。南望洞庭。曷勝額慶。從此同聯袍澤。似可無煩兵力。尙祈致電長沙與湯公接洽。共策進行。而維大局。不勝企幸。

復西安陳都督電

履
火急西安陳都督鑑。頃接永甯蔡軍總司令感電。轉奉尊處漾電。欣悉貴省已於巧日完全獨立。並得我公兼長軍民秩序。大定關中形勢。在昔爲中國先。卽今義聲所傳。尤有長驅河洛。直搗燕雲之勢。言念前途。曷勝額慶。今日國危已甚。大局問題。自當及早解決。除項城退位。決無商量餘地外。殆無不可通融。堯向卽持此義。迭與各方面疏通意見。一致主張。與尊旨所云。可謂不謀而合。敬當奉以周旋。誼切同舟。望

時賜教。謹此隨賀。

辭撫軍長職電賀

永甯蔡總司令。邕。送李總司令。黔。劉都督。粵。龍。都督。杭州呂都督。肇慶岑都司令。梁都參謀。南甯陳護都督。鑑。華密撫軍長一職。前得任公先生迭電相推。經即覆電力辭。頃復得陳護都督庚電。仍以相屬。自維粗嫻軍旅。祇應勉効前驅。愧乏遠謨。詎能肩斯重任。務懇諸公。另推才望相當之人。以資統攝。而策進行。是所至禱。

其二

土關村坡梁任公李印泉先生鑑。文電敬悉。公等一再督責。期望至厚。但以薄材弱植。終恐無裨實際。內容組織如何。希先詳示爲禱。

其三

大舟驛羅參謀長殷參謀長趙梯團長李秘書長李參議官鑑。新密佳電悉。辱電過愛。極感撫軍長一職。自問殊難擔荷。故迭電致辭。默念前途情勢。來日大難。非敢藉博辭讓之名。實欲稍紓顛蹶之患也。諸公以爲如何。

承認撫軍長職電

會澤文府
萬急上關村行營岑西林先生鑑。文電敬悉。極佩謙冲。更辱獎借。雖誦之下。欽仰曷任。院長爲義軍代表。我公亦中外具瞻。斯人斯職。乃爲無負。至若堯者。量智等於挈瓶。程材僅能拔戟。猥以先驅之故。謬蒙首席之推。聞命自驚。撫衷滋愧。曩之辭謝。非敢鳴謙。特以大匠在門。實慮代斲傷手。既不獲命。何敢固辭。猶幸借箸之工。謀可免括囊之貽誤。惟慙坐嘯。有類尸居。謹此復布。不盡主臣。

其二

府上卷
南甯陳護督鑑。義密尤電奉悉。撫軍長一職。菲材殊難勝任。早經電辭。並以西林先生老成重望。力加推舉。殊昨得肇慶電。知已於青日發表。辭不獲命。慙悚交并。尙冀諸公後。此時加維持。無任感盼。桂軍入浙。北兵風靡。大局之幸。義旅之光。尤極欽佩。頃聞湯鑄新亦已宣布獨立。尊處當有確息也。

其三

行營蔡軍總司令鑑。義密元電奉悉。極感厚意。惟茲事前已電陸梁力辭。并推西林

會 殊任公來電。力加敦勉。並於青日發表後。始來電告知。故不便再辭。致淆觀聽。任重道遠。來日大難。正未知息壤何所。仍維公有以教之也。

其四

澤 萬急十關村行營岑西林梁任公兩先生鑑。文二電奉悉。辭未獲命。敢不遵行。一切偏勞。尤爲慙感。以後情形。望隨時示知爲幸。

其五

文 永甯蔡軍總司令鑑。護密堯以輜材。謬蒙推任。一再督責。無敢固辭。惟時艱孔亟。來日大難。任重道遠。隕越堪虞。惟祈時錫箴言匡。我不逮。以期於事有濟。所至望也。

推戴黎副總統爲大總統通告外國電

上 分送北京各國公使各商埠各國總領事安南總督香港總督澳門總督大連關東都督公鑑。前大總統袁世凱紊亂國憲。顯謀叛逆。自民國四年十二月十三日下令自稱皇帝以後。其所任之大總統資格。當然消滅。案查民國二年九月。國會參衆兩院議決之大總統選舉法。規定大總統任期六年。大總統於任期內缺位時。所餘任

會 期應由副總統繼任。繼堯等凜遵此項國家根本大法。恭承今副總統黎公元洪爲
合先行電聞。貴公使貴總領事貴領事貴總督貴都督查照。中華民國軍政府雲南
澤 都督唐繼堯貴州都督劉顯世廣西都督陸榮廷廣東都督龍濟光兩廣護國軍都
文 司令岑春煊兩廣護國軍都參謀梁啓超護國第一軍總司令蔡鍔護國第二軍總
司令李烈鈞謹呈

設立軍務院通告外國電

附 分送北京各國公使各商埠各國總領事安南總督香港總督澳門總督大連關東
都督公鑒。本軍政府依法恭承黎公元洪爲中華民國大總統。業經專電通告在案。
上 今特設軍務院直隸大總統。由各省都督由各軍總司令等任該院撫軍。以合議制
處理軍國重事。大總統未能躬親職務時。一切國際交涉。由軍務院撫軍長暫行代
卷 表爲此通告。貴公使貴總領事貴領事貴總督貴都督以後除地方商民交涉。照例
仍由各該省軍民長官與各國駐近該地方各官廳就近辦理外。其中央外交事務。

會
一概改由軍務院辦理。特此電聞。中華民國軍政府雲南都督唐繼堯貴州都督劉顯世廣西都督陸榮廷廣東都督龍濟光兩廣護國軍都司令岑春煊兩廣護國軍都參謀梁啟超護國第一軍總司令蔡鍔護國第二軍總司令李烈鈞謹呈。

澤
請北京各國公使監視袁氏及其黨徒保護黎大總統電

文
雲南蒙自龍州廣州重慶上海各國領事轉北京各國公使公鑒。逕啓者。自貴國承認民國政府以來。貴公使駐節敝都。常以鞏固我邦交爲務。凡我軍民。同深感佩。今敝國前大總統袁世凱。以謀逆失去大總統資格。繼堯等代表軍民。遵據民國二年九月國會議決公布之大總統選舉法。宣言公承副總統黎公元洪爲大總統。業經通告在案。惟黎大總統今方陷在敵地。未能自拔。本軍政府。擬定北京。又尙須時日。袁世凱既敢於謀叛。難保不倒行逆施。陰圖加害於我元首。伏維貴公使素重正義。篤念邦交。用敢專電奉託。懇賜留意。公同監視袁世凱及其徒黨。對於我黎大總統之行動。設法保障。扶助黎大總統之生命及自由。則我軍民感謝。挾忱曷其有極。繼堯等以私人交誼。瀝誠拜託。區區苦心。想承鑑原。再者因慮北京電報有阻。特託各

卷

上

贈

會 地貴領事轉達。合併聲明。專此即頌公綏不宣。中華民國軍政府雲南都督唐繼堯
貴州都督劉顯世。廣西都督陸榮廷。廣東都督龍濟光。兩廣護國軍都司令岑春煊
兩廣護國軍都參謀梁啟超。護國第一軍總司令蔡鍔。護國第二軍總司令李烈鈞
澤 謹呈。

致都司令部等處。推荐劉師長存厚爲軍院撫軍電

文 都司令部岑撫軍副長。上海梁政務委員長。貴陽劉都督。廣西陸都督。南甯陳護督
廣東龍都督。杭州呂都督。長沙湯都督。四川陳都督。敘府蔡總司令。韶州
廣 李總司令。松坎戴總司令。鑑四川護國軍劉總司令。存厚。原任四川第二師師長。自
滇省發難。反抗帝制。擁護共和。劉君即首應義旗。協力進行。叙瀘之役。復督飭川軍。
上 盡力協助。各處義軍。遂聞風繼起。實屬大義凜然。勞績卓著。所部軍隊。亦足代表川
省。數在兩師以上。查軍務院尙未取銷。則名義所存。自未可一日而沒。劉君資格。既
卷 與院章符合。擬即推劉君爲撫軍。藉以表彰。並資策畫。是否之處。統希公決。示覆。爲
盼。

致大舟驛等處派員撫慰各軍電

會 大舟驛行營蔡總司令並轉顧趙兩梯團長貴陽劉都督晃州王司令江門行營送
劉總司令昭通送劉梯團長楊支隊長鄧支隊長永甯李秘書長董團長李參議官
均覽前敵攻戰勞苦異常各官長士兵或疆場效命或創傷未愈尤深軫念以職務
在身未能躬親慰勞寢饋難安茲特分派將校馳赴行營代達微悃并撫慰各營士
兵特先奉聞並希轉飭各營一體知照

致蔡總司令等請勸告周駿電

贛 都司令部岑撫軍副長黔桂粵都督大舟驛蔡總司令并轉劉總司令鑒迭接成都
陳都督暨紳商各界來電前重慶鎮守使周駿始挾崇武將軍名義率師西上繼復
上 以蜀軍總司令名號帶兵逕逼成都情節離奇其叵測之心顯然可見現在黎大總
統繼任亟宜消弭意見力圖國家之統一安全以期息事寧人豈容再啓黷端致滋
卷 禍亂應請蔡劉兩總司令就近勸告俾速解甲息兵聽候中央命令若猶悍然不顧
則是甘爲戎首護國軍職志所在無可諉謝惟有督飭在川各軍盡力援救以紓鄰

患而保治安。統乞明鑑。

會 爲袁逆取消帝制致廣西陸都督電

廣西行營陸都督南寧陳譚兩師長莫鎮守使鑑。華密頃據某領事告稱得廣州電。袁氏已電桂省。允以命令取消帝制。未知確否。亦未知取消帝制外。有無他項條件。貴省義師一倡。國民心理愈益昭著。袁氏藉此下台。亦意中事。惟有宜切究者。自上年十二月十三日起。袁氏叛逆之罪。已經成立。今即取消帝制。不能取消其犯罪。又究其造意之始。早在以非法蹂躪國會之日。故年來一切法令。皆當隨而失其效力。關於國家根本問題。應以舊約法及大總統選舉法爲根據。袁氏犯罪。當然喪失總統資格。以副總統黎公繼承。此正當辦法也。所慮者。袁氏隗詬陰賊。此時窮無復之。姑以取消帝制爲敷衍目前之計。願仍覲顏就總統職。以徐圖恢復。於將來則國家前途。蓄禍尤烈。此斷斷不可者。微論法律方面。絕無可道。更自他方面言之。禮義廉恥。國之四維。古今中外。理無或異。今袁氏所爲。神人共憤。充其所至。必將率國民而出於寡廉鮮恥之一途。一國而悉爲寡廉鮮恥之人。其何能淑。此吾輩反對袁氏之

會 澤 文 附 上 卷

真意也。使袁氏取消帝制，復爲總統，斯其廉恥可謂漸滅已盡。以廉恥盡滅之人，靦然爲一國元首代表吾民，是可忍孰不可忍。此不可者一。袁氏背誓食言，其狡詐已暴於天下。今劫於西南義師與世界公論，不得不出此。然其心寧能一日忘帝制者。今仍保總統之位，則此後必當潛鋤異己，愈務增漲其勢力，迫勢力已達其度，然後惟所欲爲，則國民受禍之酷必益甚於今日。而國家沉淪之痛，乃無術可以復免。此非妄爲推測。謂袁氏復任總統，帝制永不發生，可決全世界之人無能爲保證者。此不可者二。凡此理至淺顯，無待繁言。然使袁氏而果出此，以吾國人苟且之心理測之，必有明知其不可而姑爲之說者。或遂將出任調停，求目前之幸免無事。則吾輩茲舉直無異，增殖袁氏之勢力，愈堅其倒行逆施之心。而隱種他日亡國滅種之禍，可爲寒心者也。鄙意如袁氏已電允取消帝制，而不及其禮，則我輩當乘此時機，將其種種狡謀預爲揭破，俾無復利用其他各省，出爲轉圜之餘地。乃不得不出於退位之一途。今日爲國家計，似無逾此。幹公老成遠謀，必能深維終始。諸公熱誠救國，亦當同此心期。敢竭鄙誠，立盼賜覆。

其二

會 廣西行營陸都督鑑華密銑電奉悉。鑿鑿極佩。袁氏取銷帝制二十二日已見明文。渠意遂欲藉此下台。仍保總統地位。頑鈍無恥。可謂已極。其萬萬不能承認之理由。已於敬電具陳大旨。此時似宜由桂黔滇三省通電內外。根據約法。原本人情。從種種方面。明正其罪。求國民之同意。表我輩之決心。使知非袁氏退位。決無商量之餘地。庶主張調停者無可置喙。並免依違不定者。墜彼奸謀。黔劉都督及蔡李兩司令對於此事意見略同。我公是否同意。抑高明別有主張。敢祈密示。以便速日商決。聯電發表。事關重要。立盼賜覆。

爲袁逆取消帝制致各省通電

上 十萬火急。各省將軍巡按使巡閱使各軍師旅長各鎮守使各道尹各商會農會教育會各報館各團體鑑。袁氏叛逆。得罪國民。滇黔先驅興師致討。袁氏恃其武力。敢抗義軍。乃曹錕張敬堯馬繼增李長泰所部。遇義軍則節節退縮。對人民則種種兇殘。仁暴之途。已分順逆之形。尤著桂師繼起。民意愈彰。爲袁氏計。懼軍氣之不揚。知

會澤文牘上卷

衆怒之難犯。應卽竄身絕域。息影窮荒。以謝吾民。藉保首領。乃上月二十二日。急以僞令取消帝制措詞荒誕。命意支離。欲遂罷討逆之兵。仍保總統之位。此其自處可謂大愚。揣彼居心。尤爲狡詐。我三省人民動色相告。僉謂元凶不去。民國不安。任其譎張立見禍敗。故非袁氏退位。義軍萬難中止。此其理由。蓋有數端。自上年十二月十三日起。袁氏叛逆之罪已成。今日自認取消。尤足證實。蓋卽取消帝制。不能取消其犯罪。此如怯篋之盜行。被拘執卽退。原贓奪免。科罪此袁氏取消帝制。仍不免叛國之罪也。又自政治方面言之。袁氏竊政。瞬逾四年。充其險賊之行。濟以隩詬。無恥窒塞我民智。敗壞我民德。摧殘我民氣。耗損我民力。攘竊我民意。斷喪我民生。汗濁之氣。充滿全國。故非袁氏去位。政治社會必永無刷新改進之望也。夫以國家元首。中外具瞻。非有相當之地望。不足代表一國。而競立於世界。今袁氏躬爲叛逆。不憚翻覆。旣廉恥之不存。亦進退之失據。自道德言之。爲不齒之人。自法律言之。爲不赦之犯。今仍爲總統。外何以視列國。內何以見吾民。遠何以垂戒於將來。近何以善後於此日。此又自對外對內關係言之。袁氏不得復爲總統也。繼堯等迫於軍民之要。

會 求不忍國家之蓄禍再四。籌議所見皆同。謂今日正當辦法。惟有三事。一、袁氏即日退位。聽候組織特別法庭裁判。二、援照約法。要請副總統黎公繼承大總統。三、從速召集袁氏非法解散之國會議員。重謀建設。以上三事。國命所關。繼堯等一致決心。必求達此目的。各省軍民長官。觀變沉機。早有成竹。出言有鼎。呂之重厝國於盤石之安。正此時也。各界團體。久積義憤。諒有同心。並乞一致主張。以期早日解決。如天之福。民國實利賴之。嗚呼。居遼蹈海。匹夫之義可師。取義成仁。烈士之目未瞑。繼堯等夙愛和平。非樂禍亂。區區救國之意。萬不獲已。未敢自惜其頂踵。必能見諒於國人。用敢嘔心瀝血。縷晰以陳。不勝迫切待命。

其二

上 萬急北京政事堂統率辦事處各部院局南京宿州武昌長沙開封奉天吉林齊齊哈爾太原西安蘭州迪化南昌福州將軍巡按使護軍使鎮守使公鑒。華密前准華老領銜卅電。當具覆道意。未審是否得達。比見三公巧日通電。老成傾畫。佩仰曷窮。國危至今。凡有人心。誰不以息事寧人爲急。惟事有非得已者。卽有急於息事而轉

會澤文階上卷

以多事者此不可不察也。愚慮所及，謹申其說。項城仍爲總統，二安前持此議，桂黔與滇並力拒之。此非好爲己甚，爲國家亦爲項城也。蓋此次發生帝制，自道德言誠爲晚蓋，而自法律言要難輕減。有法而等於無法，國尙得爲國乎？此卽勿論而項城總統資格之取得，由國會之選舉，然自下令承認帝制之日，已喪失原有總統之資格。今欲復任總統，豈惟項城不得自爲，恐亦非吾輩一言承認所能有效也。顧或者曰：此當視事實，勿談法理，則更自事實觀之。元首撫臨一國，所恃威信而已。今項城之自視，何如國人之視項城？又何如不重不威，無信不立，其無爲邪？則易之，其有爲邪？則疑之。項城此後更有何事，可爲民國亦何貴？有此總統，以此爲國，未見其可故愛國之士，舉謂項城宜自引退，顧猶有恐繼承之難。其人與兵事財政之未易收拾者，抑知繼承何人？約法具在，凡屬國民，疇敢異議？若實力所寄，則芝老東海提衡於內，諸公執持於外，何事不集？蓋項城一去，諸事立即解決，否乃真無解決之望耳。夫項城取消帝制，旣羣諒其悔禍之心，更以一退息四方之兵，則國人去後之思，如將不盡，更誰以苛議繩其後？爲國家計，爲項城計，均無逾此。語曰：君子愛人以德，細人

會 則以姑息。彼帝制首禍諸人。既以鹵莽滅裂。誤項城於前矣。我輩忍更以姑息。誤項城於後乎。諸公今所主張。誠知苦心自別。有在惟恐項城不加深察。或終制於左右。遷延不決。遂欲藉爲口實。則甚非諸公出此之心。抑豈國家前途之福。故輒忘其愚。更詳論之。如此仍惟諸公有以教之。堯等夙愛平和。稍悉世變。今茲之事。亦豈得已。而不已。惟念國事不堪。屢誤民聽。未可終淆。不敢苟安。於目前。期勿蓄禍於異日。區區之心。如是而已。臨電茹嘆。不知所云。

其三

上 急宿州張巡閱使盛京張將軍武昌王將軍段巡按使鑑。北京黎大總統暨各堂處部院局長各省承德歸化張家口吳淞寧夏西寧康定各軍民長官均鑑。張巡閱使卅電張將軍王將軍段巡按使兩冬電。頃均奉悉。諸公愛國。別具深衷。苦口危言。循誦增感。惟鄙意復有欲陳者。蓋項城之必須退位。自法律言之。罪名已定。而難免自事實言之。威信已失。而難回。凡諸理由。具詳迭電。今諸公之意。殆已莫不謂然。特慮善後不易。然此不難解決也。繼承何人。約法具在。獨立各省聯合軍政府。前已宣言。

恭戴今副總統黎公繼任。豈惟國民無敢異議。卽國外亦一致贊同。是固無煩置慮。若謂北方軍人不與南省同其趨向。則厚誣我北方神聖之軍人。竊謂過矣。夫南北雖異心理。大同燕趙。健兒素饒肝膽。其效忠於國家。非私暱於袁氏也。今滇黔桂粵浙省之義舉。其目的悉在於國家。其行動一本乎法律。則凡效忠於國家。必有同一之趨向。苟其不明大義。甘爲項城致死。此袁氏一姓之鷹犬耳。何效忠國家之足云乎。至如宥電所陳項城退位。兵禍立解。諸公或有所疑。乃至有舟中敵國野心羣起之慮。此亦不能無辨。義兵之起。實爲項城退位。黎公繼職。凡我袍澤。孰敢阻兵。兵禍之解。自可立決。且有今茲之舉。庶國人知以項城之撫有全國。而一有違法立致覆敗。以黎公之身無寸柄。而按法繼承。舉國帖服。凜乎人心。不可或失。國憲不可妄干。正所以戢國人非分之心。而弭將來無窮之禍也。理有固然。夫何疑者。夫諸公之愛項城。甯有過於愛國。卽堯等亦豈有私怨於項城。其力持項城退位之議。爲國故實。亦爲項城也。諸公誠愛國。誠愛項城。惟有力勸項城卽日退位之一法。否則愛之實以害之。不免爲細人之姑息。諸公明達。必不出此。敢布腹心。惟圖利之。

復北京黎徐段三公電

北京分送黎副總統徐前國務卿段前陸軍總長鈞鑑堂密江日奉到勸電。雖誦迴環萬千感嘆。竊堯等夙愛平和。早邀鑑許。今茲之舉。豈惟焦頭爛額。救國家之傾危。實亦明恥示信。爭歷史之人格。區區苦衷。萬不獲已。諸公却掃杜門。心理殊無二致也。今袁氏雖取銷帝制。實已構成叛國之罪名。邦有常刑。寧能末減。且前此信誓旦旦。未瞬而寒。今卽要以海山之盟詞。疇能保其雲雨之翻覆。况乃對內對外。威信全失。國民而復戴此元首。國家何以存於世界。此堯等於取消帝制。未敢遽以爲可也。堯等亦知強鄰狡啓。同處漏舟。相持不決。馴至兩敗。然爲人道。正義計。在勢固無所逃。且卽堯等相率息爭。而大亂終不能免。竊意袁氏真誠悔禍。宜卽此時毅然引退。我得我失。能發能收。猶爲不世之舉。抑亦如天之福。否則莽莽前途。寧知所屆。夫袁氏一念之自覺。大之關係一國之存亡。小亦係萬衆之生死。時至今日。猶不知所以自處乎。諸公當代偉人。與袁氏夙稱交厚。公義私情。有犯無隱。國命絕續。實在於斯。至若堯等一息尙存。惟知有國。但國信猶可保存。民心有可鎮撫。此外卽非所敢問。

敬承明令謹布所懷鈞意謂何更盼復命再比月以來電信阻絕致無緣就教如蒙
飭令不再遏抑俾得時通情素實爲深幸

其二

北京分送黎副總統徐前國務卿段前陸軍總長鈞鑑密勘電江奉卽於支日電由
松坎轉渝具覆比來電阻懼不時達謹再撮要另塵清聽堯等今日之舉本爲救亡
苦衷萬不獲已今項城取銷帝制旣莫不感其悔禍之誠然茲事出之三月以前誠
爲最圓滿之解決荏苒至今形勢殊異卽取銷帝制是否足以救亡此不能不長慮
卻顧者勿論法律政治方面種種問題萬難拋置而民意已失而難回威信已墜而
莫挽救衍了事萬不足以服激昂之人心故卽堯等相率息兵而大難終不能免此
猶就國內言之也立國大地之中談何容易今雖取銷帝制竊恐國際團體中必尙
有未能滿意者故項城真誠悔禍欲救國亡竊謂不能再作退一步想內以息洵
洵之爭外亦弭耿耿之口自箇人言仍不失爲英雄舉動卒保一世令名自國人言
亦全體拜仁人之賜爲項城計似無逾此諸公民國柱石內外情勢至已洞囑無遺

國命絕續實在於此。敢布不盡之愚。妄冀明察。惟幸教之。

會
其三

澤
北京分送黎副總統徐前國務卿段前陸軍總長鈞鑒。諫電奉悉。元首引退之說。諸公亦已謂然。特於去位後之利害安危。不憚詳審。苦心分明。欽服無似。惟鄙見猶有進者。尊慮項城去位。兵事財政急難收拾。此在昔日堯等亦何嘗不作是想。今則人心已去。威信已失。既無可諱言。更何恃以爲收拾之具。竊意項城去後。諸公同負完全人望。未遽不可收拾。特項城不去。乃真無可收拾也。強鄰抵隙。事極可危。然以堯等所知。則某國終將有迫令退位之提議。此外各國亦未必能爲項城左袒。故項城幸即退位。或可弭覬覦之謀。荏苒不決。必不免干涉之禍。此又彰明較著之事實。兩害取輕。惟在項城之自覺耳。粵事複雜。誠不易就緒。桂代表被戕。人道可謂滅絕。願論者或尙滋疑。謂出於中央要人之指使。此勿論如何。徒重中央之憂。終無能爲大勢之梗。是皆愚慮所及。未能盡如尊情者也。夫今日誠爲尊論云云。能以法律定責任。鞏固國家根本。寧非至幸。然我國前此是否已有法律。是否用爲共和之保障。於

會 今翻復是否有效。蓋項城茲舉。既不啻舉法律之根本。破壞無遺。故今卽退位。猶可保法律殘餘之效力。藉以恢復於異日。否則除以武力解決。事後一切改組。外尙何法律之可言。亦安用此虛器爲者。非法之難。而使法必行之難。此其故可深長思也。

澤 堯等於項城在昔。不無私感。今亦豈肯爲己甚。特項城不去。國事立危。卽項城自身。亦有邱山之害。而無纖毫之利。而去位之期。卽在此時。過此以往。恐更無相當之機會。而結果尤非所料。語曰。君子愛人以德。細人則以姑息。又曰。能有所忍。然後可以就大事。諸公愛國。亦愛項城。姑息不忍。行致兩誤。諒在達人。必不出此。謹再貢其愚。用助堅決。無任主臣。

其四

上 急北京分送黎副總統徐前國務卿段前陸軍總長鈞鑒。華密諫電復後。旋奉皓電。愚慮前已具陳。茲仍不能已於言者。帝制取消。滇黔首允停戰。區區非樂禍亂之心。諒荷原鑒。惟善後之方。則猶待解決。蓋民國恢復以後。猶有多省獨立。此卽國民心理之表徵。不以取消帝號爲已足。非有根本解決之法。卽禍亂決難咸消。而堯等前

卷

會

澤

文

牘

上

卷

者迭電之非虛構。尤足證明也。今亂事蔓延。與否惟在項城。自處如何。蓋海內洶洶。實爲項城一人。項城六十之年。何所貪戀。如必恃武力。覬得一逞。微論武力決不足恃。卽究其武力結果。亦等於自殺。人卽不愛其身。寧不恤其家。亦豈忍使祖宗所留遺子孫所托庇之國命。由我而斬乎。項城誠一念此。必有愀然其不忍者。充不忍之一念。斯身安而國家可保矣。堯等夙愛平和。前此捍衛中央。嘗有一日之力度。項城猶能記憶。今日寧肯求多於項城哉。誠以國之存亡。與項城之利害。止此一途。絕無迴旋之餘地。故雖知其無益。而不敢不以告也。夫項城旣深悔其前日之失。或不難捐棄成見。聽命於諸公。而國人汲汲皇皇。懼禍至之無日。謂能免之者。亦惟諸公。故堯等知無不言。言無不盡。於諸公愛國之意。知必戚戚有合也。惟諸公力言之。使項城決行之。斯國家如天之福。已千鈞一髮。屏息待命。

黎大總統繼任陳善後四事電

十萬火急。北京黎大總統鈞鑒。堂密。項城得罪民國。滇黔桂粵各省。按法恭戴我大總統。繼承大位。天心厭亂。項城無祿。北方軍民一致推戴。此民國如天之福。亦我大

會 總統盛德所致也。堯等待罪南中。聞電之餘。除令前敵各軍靜俟後命。并商黔桂諸省徵求同意外。謹先就愚慮所及。今宜急行者數事。呈乞鈞酌施行。幸垂察焉。項城叛國之罪。造端於非法解散國會之日。故凡解散國會以後。一切法令。悉應失其效力。今日國家根本法。當以國會解散以前所公布者爲準。此應請明令者一。根本法既定。則按照總統選法。我大總統任期以前。大總統任滿之日爲止。副總統一職。則由國會另選。按照約法及國會組織法。則任命國務員組織正式國務院。須得國會同意。故應召集前參眾兩院議員齊集天津。尅日開會。以便依法辦理。此應請明令者二。今日綏定全國首在罷兵。凡因抵禦護國軍派遣之各軍隊。應卽悉行撤回。原住地點。庶以表示和平。避去衝突。此應請明令者三。至今茲護國軍之起事。出非常現。雖我大總統出任維持。而善後問題。亟待解決。此類事項。勢不能悉付國會會議。且事機危迫。亦斷難坐待國會開會。擬請召集軍事特別會議。令各都督或將軍各派軍事代表若干人。在滬集會。諸凡軍事重要問題。悉由該會議決。呈候施行。此應請明令者四。以上四端。均爲全國安危所繫。用敢迫切上陳。伏乞乾斷厲行。民國

卷

上

附

文

譯

會

會
幸甚。猶有請者。前因我大總統未能就任。南中故暫置軍務院。敬代執行。并經宣告。俟得國會同意組織之國務院成立。即行撤銷。現仍照此辦理。合併呈明。統祈鈞鑒。

呈黎大總統請懲辦首禍諸人電

澤
百萬火急。北京黎大總統鈞鑒。前以國命垂危。立待施治。謹於蒸日以恢復舊約法。召集前叅衆兩院撤退各路北軍。召集軍事會議。各辦法上塵清聽。冀效壤流。翹跂兼旬。未聞明命。羣情洶懼。疑議滋多。舉謂帝制發生以來。民生備極凋殘。國勢危於累卵。受禍之酷。前所未有。推其致此之故。莫不切齒於首禍之人。但使民國幸存。法律猶在。自應駢戮此輩。以謝國人。乃我大總統繼承大位。已經旬月。而首禍諸人。非特逍遙法外。且盤踞要津。致四方觀聽益淆。內外隔閡如故。懼魯難之未已。慮禍至之無日。各方持論。莫不如是。竊查楊度、梁士詒等十三人。罪惡貫盈。神人共憤。演省首事之先。即已請付刑戮。意我大總統申國法。順人心。事所必然。故蒸電未以爲請。乃荏苒至今。凶燄愈熾。我大總統德意聞於四方。而實施未及。自一則此輩譁張爲幻。所不待言。而國事奠定之期。將在何日。爲此代表國民。更申前請。乞我大總統。

會
澤
交
斷之而已臨電屏息迫切待命

立飭軍警將楊度梁士詒等禍首十三人按名查拿拘管聽候法律裁判庶內絕禍亂之源外平軍民之氣近以昭法紀於此日遠足垂炯戒於將來則不特堯等蒸電所請均可立見施行即此外種種糾紛亦必迎刃悉解否則國法殆成虛設一切更無可言人心激昂終虞爆發再誤之餘尙堪設想以大總統之明必已早見及此特區區之慮斷不時則速亂事積久則變生用敢瀝陳輿情愈助堅決如慮此輩中人或有妄發則各省護國軍擁護國法惟力是視明令朝頒諸軍夕發惟在我大總統斷之而已臨電屏息迫切待命

復黎大總統電

上
卷

北京黎大總統鈞鑑華密治日電諭頃始奉悉惟寒日電諭迄未奉到對於大局問題此間主張大略一致堯已於蒸全兩日撮要電呈卽乞採擇施行以慰囑囑之望至我大總統之盛德謙光與段前總長之偉功毅力南中軍民靡不敬服必無懸隔偏執之慮繼堯仍當凜遵明訓力任疏通乞釋屢念

北京黎大總統鈞鑒。湯電篠日祇奉讀悉。堯等待罪窮邊。百無善狀。祇此區區愛國之意。夙在我大總統明鑒之中。用能諒其愚誠。加以獎借。曷勝激感。方今大局非即救定。無以救亡。愚慮所及。已於蒸日逕稟鈞聽。默察各方輿論。大略相同。敢乞明斷施行。以慰囁囁之望。全國幸甚。臨電不盡瞻依。

致北京段前總長南京馮上將軍電

北京段前總長南京馮上將軍鑒。帝制發生。大局岌岌。皆由項城一人。自肆於法律之外。遂使爭端至此。深爲浩歎。昨得確電。項城遽逝。以私誼言之。歷年交情。思之愴惻。以公義言之。大局之定。指日可俟。曾於蒸日通電。將今日緊急應辦事件。擇要計畫。一一電陳。諒入鈞覽。堯素愛和平。自慚愚直。所陳各條。皆苦心焦思。欲導國人復返於法律之中。爲國家圖存之計。而提倡實行。全仗我公。溯自籌安開會以來。我公力持正義。勳望崇隆。全國人心。隱相維繫。當此一髮千鈞之際。非老成重望。無以齊衆論。而續國脈。堯一得之見。務望採納。主持庶雙方早得解決。衆論不至混淆。既免局外之疑。且造國中之福。不勝盼禱之至。

致都司令部等處電

會
火急兩廣都司令部岑撫軍副長上海時事新報轉梁政務委員長黔劉都督桂陸
都督崑陳都督粵龍都督浙呂都督蜀陳都督陝陳都督湘湯都督大舟驛蔡總司
令肇慶滇軍李總司令松坎戴總司令大舟驛羅總司令鑾義密岑副長陽電敬悉
袁氏既死黃陂繼任吾輩主要之目的已達惟是一切善後建設問題至極繁難稍
涉疏忽必致滋生流弊昨得電後即將鄙見研究所及撮舉大綱電呈黎大總統并
分電諸公在案關於軍務院與國務院問題已具大綱之中統俟前電確定辦法即
可一併解決現在國家大計諸待商定正賴諸公協力維持期臻完善西林老成碩
望一身所繫非輕豈可遽萌退志務望力任其難以全終始同人之幸民國之福也
臨電不勝切禱

其二

卷
火急肇慶都司令部岑撫軍副長黔劉都督桂陸都督崑陳護督粵龍都督浙呂都
督蜀陳都督肇慶李總司令松坎戴總司令行營羅總司令行營蔡總司令鑾松公

會 青電奉悉項城天然淘汰黃陂依法繼任大局可望底定吾輩目的已達更復何求但正式政府如何成立軍事善後如何佈置以及財政國會各問題均與義軍有直接間接之關係若不乘此時切實研究一致主張恐善其始者無以善其終仍不能得良好之結果松公躬在行間勞瘁備至同人系念極深但九仞之山豈可虧於一簣務望發抒偉見毅力主持俾國本人心胥臻安定然後同遂初服把臂入林固夙願也

其三

隨 萬急肇慶岑都司令滬梁任公黔劉都督廣西行營陸都督邕陳護督粵龍都督浙
呂都督蜀陳都督陝陳都督湘湯都督永寧蔡軍總司令行營李軍總司令松坎戴
上 總司令大舟驛羅總司令鑿華密西林先生庚電奉悉老成瞻言至爲精當欽佩已
卷 極默察現時國內情勢惟黎大總統按法繼位兩年足以消弭一切禍亂反是則任
由何道皆所以致亂亡鄙見亦如此且謂今欲抑奸宄而正人心惟有一切納之於
法律之中故我輩此後進行方針必當始終拿定不出法律範圍之外乃能以簡馭

會
繁使國是漸歸於一區區微意已詳蒸電該電主張自解散國會以後所有袁氏一切法令概當認爲無效與西林先生電意暗合究竟京事消息如何數日內當可得大概擬屆時再定應付之策諸公偉畫仍望隨時籌示

澤
復開封趙將軍田巡按贊同恢復元年所定大總統選舉法電

文
十萬火急開封趙將軍田巡按使鑾庚電奉悉黃陂繼任薄海騰歡外交團體亦極表示滿意迺國務院虞日通電仍係按照修正大總統選舉法第廿九條大總統有事故去職時以副總統代行職務查此項修正法并未由正式國會通過法律之根據不完修正之手續不備況當此內憂外患千鈞一髮之時非確定大總統職任不足以固國本而饜人心若照修正法第二十九條攝行則應照選舉法第十一條於三日內另選匪惟措施不及而爭擾紛紜險象何堪設想台電謂黃陂亟應遵照原選舉法第五條之規定正式繼任敝處極表贊同繼堯昨於蒸日通電京外亦謂國家根本大法宜以國會未解散以前者爲標準此項選舉法自己包括在內但剴切詳明語語精到尤未若台電之至論不刊也所望毅力主張共維大局不勝企幸

上
卷

復湘湯都督贊同恢復舊約法電

長沙湯都督鑒。豔電敬悉。前見寒電。已佩謦籌。頃讀偉論。尤仰卓識。恢復約法。事理當然。而帝制遺孽。乃敢謬爲命令變更法律之說。夫袁氏新約法。自始不能成爲法律。而恢復舊約法。在理亦不能謂爲變更。特以命令取消違法之命令。而恢復合法之約法而已。尊論彼雖自認爲法律。實則成爲非法之命令。今日之廢興。乃係以命令取消命令。數語至爲精透。實獲我心。舊國會議員。其少數誠無以鑒國人之望。然而特以黨之一字。爲之梗耳。今各志士。皆以黨爲大戒。無復意氣。無謂之爭。而議員諸君。經暴力壓抑之後。又當國命絕續之交。必能深自警惕。以保國會之尊嚴。而前此之恥辱。是則可斷言者。故堯自始。即已如此。主張實亦思之至熟也。今幸恢復舊約法。及國會繼續開會。中央已有明令。大局行可解決。言念前途。不勝慶幸。尊電忠告中央一節。尤覺抉發無餘。斟酌悉當。大總統盛德謙光。段芝老亦虛懷善聽。必能深資啓沃。裨益國事匪淺也。屬在同舟。時盼教益。

爲軍事會議致南京馮上將軍電

十萬火急南京馮上將軍鑒華密頃聞公約集未獨立各省在寧會議并有電令已獨立各省同派代表赴會熱心毅力佩仰無窮惟敵處未奉原電未審尊旨如何據鄙見項城退位實已不成問題敵處與黔桂各省迭經官言非項城退位無商量餘地亦爲已定之宗旨無待再計故尊處茲會如認項城退位爲已決之問題但當妥籌善後敬當商同黔桂粵浙各省派員馳赴尊處商承一切如項城退位尙待商決則黔桂各省宗旨久已標明即可暫緩派員俟尊處與赴會各省會議決定後再行加入較爲適合鄙見如是是否仍候卓裁示復

其二

萬急南京馮上將軍鑒華密銑電暨養日兩電於魚日始奉悉前聞公召集各省代表在寧會議即擬商同桂黔粵浙派員趨赴徒以性質未明當託浙督就詢尊旨計達左右比聞某某有於會議期內通電主戰之說查某某皆在發起茲會之列乃不俟南方代表到會即行通電主戰支離反覆未免負公苦心似此情形南方代表到寧恐亦無可置議惟吾輩同以救國爲職志但使可以濟傾扶危無不惟公命是聽

如代表仍須遣派。乞公將提議之性質範圍。先行示知。當再遵辦。又已獨立者。現有十餘省。亦應通知。一併加入。庶免遺漏。至敝省前本與黔桂粵浙推定梁任公爲總代表。現任公在滬。我公如有商榷。請即就近接洽。任公才望。公所深知。如荷推誠。必能有裨大局。至項城果有退位之決心。卽國家猶有挽救之希望。一切善後問題。當無不可解決。惟濟此艱危。仍惟公與段芝老是。望鄙意。惟冀兩公之先公義而後私情。應機立斷而已。臨電不盡拳拳。

呈大總統暨段總理指陳時事電

萬急北京黎大總統國務院段總理鈞鑒。華密恭讀上月廿九日電令。欣悉我大總統總理俯順輿情。力求法治。苦心毅力。薄海同欽。并聞帝制首禍諸人。皆當按法懲治。從茲國家政治。一切納於軌物之中。言念前途。不勝怵舞。軍務院本有正式政府成立。始行撤銷之宣言。惟國步阽危。應速統一。因電商各撫軍後。經卽於寒日通電。陳明撤銷諒蒙省覽。本日復奉魚日電令。痛念破壞之餘。復覩威儀之盛。旣深慶幸。彌用憂危。於此猶有不能已於言者。惟垂察焉。滇黔各省之獨立。區區愛國之意。海

內外所共見聞。有如我大總統之應按法繼承。與非我總理之不能維持國事。皆早有論列。一致執持。取銷軍務院。雖與前此宣言未符。亦以力謀統一。迅即實行。此其用心昭然。若揭。乃若龍濟光輩。忽而獨立。忽而取銷。反覆譁張。惟知私計。且其毒通全粵。凶德久已彰聞。此寧有所謂國家思想。與世界眼光者。而明令力加獎飾。一似此外各省。其志慮皆出龍下者。此好義之士。所爲憤懣不平者也。夫漢帝卽位。丁公首誅宋祖。酬庸彥昇。終廢當此。四維不張。人欲橫肆之時。正賴中央首申禮法之防。庶足以樹風聲。而盪瑕穢。若復苟且目前。不惜反羣。恃好惡之公。而壞國家彰燁之用。甚非所以厲世。而摩鈍竊恐四方論者。有以測中央之深淺也。夫統治者。中央之大權。而好問者。當國之盛事。今上下未交之日。尤貴有內外相繫之情。我大總統總理就任以來。愚慮所及。迭經呈候。采擇而中央大政施行。未嘗一相諮詢。輒以命令發表。在大總統總理燭照無遺。自己措施。悉當在獨立各省。始終推戴。亦既無復異詞。然自軍興至今。各省內情。不無殊異。當軍務院未撤消以前。萬一對於中央命令。有未能切實遵守者。既慮非中央保持威信之道。亦大失各省擁護中央之心。竊謂

束縛馳驟操之不免過蹙至於高位厚祿皆專制君主恃以鼓舞人材之資而非所論於共和之世即在專制之世用之不得其道術亦有時而窮誠不可不慎也今愛國之士不惜捐棄頂踵以爭國民一線之人格其視高位厚祿當有間矣故加以意外之寵榮事乃甚於賤辱川事方棘蔡鐸有益武將軍之命識者已謂不倫今李烈鈞調京復有助二位上將銜之命在中央顧全現局誠知別有用意然論者疑猶是袁故總統侮弄一世之故智而非有公誠開布之實心受之若無以自明不受又嫌於抗命聞令之下舉有怵然其不安者此亦一孔之見未能仰契高深者也孔子有言誠能動物不誠未有能動孟德斯鳩有言民主國之元氣在道德袁故總統可謂一世之雄徒以利用僉壬奮其私智謂金錢威力足以舉羣材經營有年卒致失敗無他不誠而已不知有道德而已而敗德所扇敝俗斯成詐虞相尋廉恥道喪以極於今日今欲救之亦惟有以誠感惟有以德化而已伏願我大總統總理深思國民付託之重鑒於袁故總統致敗之由務反其道與之更始尤當及此建設之日尊崇志節砥勵廉隅以立人道之大防成經國之偉業萬不當輕用智術取便一時墮

國民向善之心而忘前車方覆之戒也。我大總統盛德謙光。我總理淡泊寧靜。皆民國興亡所係。又當海內奔湊之時。而繼堯黍膺疆寄。與共安危。知之不敢不言。言之不敢不盡者。念來日之大難。誠不免涓涓之懼焉。惟鑒真誠。恕其冒瀆。全國幸甚。

復段總理電

萬急北京國務院段總理鈞鑒。華密虞電頃始奉悉。極佩虛懷。國事鉅艱。非公莫任。頗聞時有退志。實非海內仰望之心。務乞積極進行。振此難局。繼堯誓從公後。奠安國家。時議縱有糾紛。自當勉竭綿力。隨時補救。至於中央政局。亦略有獻替。已於馬日縷呈。乞加鑑察。

復梁任公陸督軍諸公電

南京梁任公先生廣東龍督軍南甯陳督軍貴陽劉督軍蜀羅督軍湘譚督軍浙呂督軍鑒。任公蒸電。幹公魚電。舜公真灰電。周公真佳電。均敬悉。馮華老虞電。折衷羣言。力謀國是。當此風雨漂搖之會。得此庶足以息羣喙而固人心。堯已逕電贊成。請

會 擊銜拍發。至幹公所言。心長語重。尤見憂國苦衷。吾輩既從事。茲役關於國家安危。責無旁貸。諸公盡籌所及。堯敬當奉以周旋。區區愚忱。敬乞鑒察。

爲粵事致北京國務院各省電

澤 北京國務院各省督軍省長龍華寧夏護軍使熱河張家口歸化廳都統均鑒。院艷電奉悉。粵事紛紜。迄未解決。外力干涉。事至可危。滇中電阻多日。故未能得真相。頃已電在粵滇軍將領。飭令即日停戰。聽候處分。惟查粵事內容複雜。非陸督軍即日就職。萬難悉解糾紛。當已另電敦勸。力疾遄征。仍請中央加電促行。必能早定難局也。

爲粵事致黔桂川浙等處電

上 貴陽劉督軍廣西行營陸督軍南寧陳督軍重慶蔡督軍戴巡閱使成都羅督軍杭州呂督軍上海分送唐少川梁任公溫欽甫王亮疇李燮梅諸先生肇慶岑都司令韶州行營李總司令鑒。西林齊日抄示呈中央電文。粵事內容昭然如揭。滇軍出韶本係最初計畫。而龍以陰狠手段。節節進逼。濟軍本無紀律訓練。不值一創。龍乃對

會 於中央各省佯示退讓。捏造調辭。雙方挑釁。繼堯痛念時危。不忍多事。迭飭滇軍將領停止進行。靜候和平解決。均經電達在案。西林宗旨。本與此間同意。不過因籍隸兩粵。親見粵民水深火熱。不忍父老子弟久罹凶災。亟思拯拔。而龍遂多方媒孽。幾令國家元老心迹無以自明。曷勝憤恨。現幹公既允力疾就職。則糾紛之息。計當不遠。務望兼程到粵。澈澄辦理。切電聲明。庶黑白之分可明。而賢奸之辨亦著也。除電呈外。特此佈達。

致廣西陸督軍電

膺 萬急廣西行營陸督軍鑒。陽電敬悉。公以老成碩望。力顧國家。舉動光明。全國共見。喪心之徒。猶思以青蠅市虎之言。螢惑衆聽。是誠蚍蜉撼樹。不度德量力者也。粵事糾紛日甚。中央及張倪諸君。均不免微詞。然龍之罪狀。及吾曹心迹。昭然共睹。所盼台旌早蒞。澈澄辦理。救此一方無辜之人。即吾輩心迹。亦可大白於天下矣。

卷 賀廣東陸督軍就任電

廣東陸督軍鑒。奉鹽電欣悉。大旆已於鹽日晉省。自此廓清積弊。式煥新猷。嶺海軍

民同霑惠澤。不獨粵人之福。抑亦大局之幸也。特覆。

致梁任公電

江寧督軍府轉梁任公先生鑒。護密冬電奉悉。徐州會議。暗潮既平。寔如天之福。國家凋敝已極。豈可再生風浪。致陷淪胥。華老屹然坐鎮。先生毅力維持。用能懾息羣喙。銷弭無形。堯力障平和。同斯職志。重承雅囑。敢不益加努力。奉以周旋。華老處并乞道意。統希時錫方針。俾得進行一致。共維大局。是所至禱。

唁梁任公電

上海時事新報館轉梁任公先生鑒。護密昨得粵電。驚悉尊翁仙逝。先生回滬治喪。夙仰至性過人。深虞哀毀過甚。經即飛電唁慰。茲復委派由幼先陳維藩兩君代表赴滬。虔伸弔唁。并公致楮敬五千元。聊表微忱。惟現在時會奇艱。諸待碩畫。一切盼先生援金革不避之例。出而維持。俾一切有所遵循。同人之幸。國家之福也。

致蔡督軍問詢病狀電

上海時事新報館轉蔡松坡督軍鑒。前聞我公赴滬就醫。至深馳念。頃接翼庭勘電。

知已抵滬。惟望靜心調攝。早占勿藥。重肩鉅任。公才公望。不僅堯一人。禱祝已也。

天津蹇季常電

庚電敬悉。早欽遠識。復并嘉猷。履險不驚。尤爲國慶。尊恙至念。惟大難新夷。植基未固。轉瞬國會開幕。維持調護。正賴羣賢。東國之行。似可俟之。閉會以後。南游有日。當敬迓高軒。覺頓死事至烈。自應特爲表揚。容與同志圖之。

道電論民選官吏利弊電

北京大總統國務院參眾兩院各省督軍省長承德張家口歸化都統均鑒。馮督軍有電論民選官吏八弊。遠議至論。瞻言百里。欽佩之餘。願更引申其說。在昔民國初元。頗有主民選官吏之說者。亦嘗有一二省分小試其端。卒之成績無聞。其議始寢。今乃頓忘前事。欲循覆轍。是種惡因而求善。果變文治而爲土酋也。在土是說者。固誤。選舉易於得人。且足以防官吏之專橫。而符共和之原理也。不知今日學術發達。漸趨專門。從事政治者。皆須有相當能力。能受政府任命之人。未始非能受人民選舉之人。亦未有出自選舉則無非正人。由於任命則盡是曲士者。若夫挾持恩怨。

號召黨援選舉之弊乃倍蓰於任命此易於得人之說不足據也議會有監督之權責司法爲獨立之機關既非一人獨攬大權復何虞其專擅共和國之官吏有牽率而不能盡其職者矣未有專橫而可以久於位者也若考覈之權不行於中央黜陟之柄隱操於私黨少數人之專擅乃真專擅也此以防專擅之說不足據也至謂民選官吏符於共和原理無稽之辭不值一噓夫所謂原理原則者乃從特徵得之共和國之特徵在元首出於選舉而已此外則共和與非共和苟欲進於文明無不同趨正軌故現在單一國家從無民選官吏況在吾國情勢尤殊安能傳會不根自出常軌此民選官吏合於共和原理之說尤不足據也凡此舉不足以爲利乃一究其弊則尤不可勝言論其大者約有二端一曰阻礙政治之進行天下有不思議之善人願無不徇情之君子卽所親無非正士選舉不出私心而意見之歧在所不免此非彼是將誰適從束縛馳驟鮮不敗矣且爲長官者固不可拂民以從欲亦豈宜違道以干譽若操其進退者不止一人卽非工於要結者無以自保求固位之不暇尙安有措置之可言此其大弊一曰破壞國家之統一夫噤於近習私於所親普通

人類同此缺點。今官吏由於民選。就令明爲規定。不限於本省之人。終難成爲事實。閉關自守。吳越分張。試一設身思之。究成何等政象。今世國家。靡不日求統一。以斬競爭於國際。吾國廣土衆民。經數千年之演進。以有今日。而實際統一之難。猶爲進行之累。尙當力求調燮。使各地方爲同等之發達。今乃背道而馳。寧非自取紛裂。此其大弊。二更進一步論之。假令選舉而善。然選舉應由何種機關。此問題即已無法解決。謂由國會耶。則國會有監督行政之責。斷不行侵越行政之權。今選舉官吏是立法而兼行政。三權分立之謂何矣。况選舉某省官吏。勢必徇某省議員之意見。而各省國會議員多不過二三十人。謂能協於好惡之公。夫誰敢信。謂由省會耶。則是以地方自治團體而操中央用人之權。顛倒錯謬。孰逾於此。凡此事實。法理無一可通。必如論者所言。殆非將國根本法律。概予取消。變置不可。是何用心。誠難案解。繼堯桷更事變。稍習國情。於馮督軍通電所言。絕對同意。以塞關安危大計。不惜費詞。所望政府國會權衡至當。勿動浮言。民國幸甚。

爲制定憲法致南京等處電

南京馮督軍梁任公先生廣東陸督軍南甯陳督軍杭州呂督軍長沙譚督軍成都羅督軍貴陽劉督軍均鑒。馮督軍虞電巧日奉悉。近來各界人士望治之心太切。責善之念太苛。遂致政見紛歧。互有爭執。誠非維持國會信用。速定國家根本大法。不足以一趨向而定人心。華帥擬示通電。具見老成碩畫。經國遠猷。堯極表贊。同仰希挈銜拍發爲禱。至於憲法請願八條。尤屬高挹羣言。愜心貴當。容卽準是。益加研究。續貢愚忱。期效千慮之一得也。諸公卓識鴻裁。尙冀隨時賜教。

賀黎大總統正式就任電

北京黎大總統鈞鑒。華密佳日。恭奉鈞電。欣承我大總統於中華民國五年六月七日就任。敬聆之下。忭舞逾恆。伏維我大總統名齊北斗。席正中樞。樂盛世於唐虞。共和鞏固。溯神威於江漢。鄧治光昭。由茲海不揚波。知中國之有聖。咸喜日逢復旦。舉天下以爲公元首。啓明四方來賀。繼堯匏懸。溟迤葵向。燕雲從金碧。以陳詞。虔脩駢啓。合蒼赤而獻悃。恭賀鴻禧。除由本省舉行慶祝外。謹此電呈。伏乞睿鑒。

黎大總統就任電知本省各文武電

本省各局分送各師旅團營長各道尹各縣知事覽。奉黎大總統虞電開本副總統依法接任中華民國大總統職權。於本年六月七日就任等因。合行通電。仰即知照。并出示曉諭軍民一體周知。同伸慶祝。

呈大總統電

北京大總統鈞鑒。奉馬電。敬諭段總理蒙我大總統特任。復得衆院四百七票之同意。仰見我大總統知人善任。復能上下一心。同深倚重。從此總揆之席既定。薄海之願斯償。俾見南北融洽。中外傾心。郵治之隆。翹企可待。謹電馳鳴。微悃。伏乞垂鑒。

賀段總理衆院通過電

北京段總理鑒。得京電。馬日衆院四百十四人開會。我公以四百七票之同意。遂正總揆之位。足見蒼生霖雨。非公莫屬。逃聽之餘。曷甚頌慶。伏望提挈南北。容冶一爐。本老成謀國之心。慰薄海如雲之望。中樞遙企。忭舞良深。

呈黎大總統電

北京大總統鈞鑒。奉漾電。欣悉新任段總理。經衆議院以多數同意通過。仰見我大

會
總統爲國求賢。贊元調於玉燭。知人善任。協枚卜於金甌。人望允孚。郅隆可企。中樞
引領。寸管歡臚。謹電輸忱。伏祈睿鑑。

賀段總理參院通過電

澤
北京段總理鈞鑒。兩奉京電。欣悉我總理特膺簡畀。榮秉國鈞。先後經參衆兩院。以
多數同意。通過允孚人望。密勿於中央。咸仰公才。贊昇平之郅治。軍民協慶。中外
臚歡。觀企台衡。曷勝饗鼓。謹電馳賀。敬頌助綏。

賀副總統當選電

副
南京馮副總統鈞鑒。頃奉京電。欣諭我公以五十二票之過半數當選。爲中華民國
副總統。等語。選聽之餘。曷勝額慶。維我副總統。績赫東南。名高歐亞。副旁求於側
席。威重公才。佐盛治於中央。允孚人望。共和鞏固。幸福綿延。引領鴻禧。殷心燕賀。

賀副總統就任電

卷
南京副總統鈞鑒。昨接院電。欣聞我公當選爲中華民國副總統。不禁爲國家額慶。
頃奉庚電。知已於是月八號在甯就職。從此公才公望。作柱石於金湯。允武允文。鞏

會
河○山○於○帶○礪○式○孚○民○意○底○定○國○基○翹○企○鴻○禧○曷○勝○雀○躍○除○已○派○繆○嘉○壽○前○來○代○仲○慶
賀○外○特○電○佈○悃○敬○頌○勛○綏○

賀大總統壽電

澤
北○京○大○總○統○鈞○鑒○本○月○十○九○日○准○國○務○院○電○開○是○日○恭○逢○大○總○統○壽○辰○各○官○署○均○一
律○慶○祝○等○因○現○繼○堯○遵○於○改○日○謹○設○壽○壇○恭○伸○祝○悃○伏○維○我○大○總○統○靈○鐘○漢○水○福○備
箕○疇○喜○日○月○之○重○光○恆○升○頌○洽○肇○河○山○於○再○造○帶○礪○勛○高○繼○堯○捧○拳○情○殷○樞○衣○跡○阻
願○頌○九○如○山○阜○從○濱○海○以○陳○詞○謹○率○三○進○官○民○望○京○華○而○祝○嘏○

賀副總統壽電

上
南○京○馮○副○總○統○鈞○鑒○本○月○八○號○欣○逢○我○公○攬○揆○之○辰○敬○維○鶴○算○緜○麻○鴻○疇○錫○福○作○長
江○之○砥○柱○什○協○升○恆○樹○大○樹○之○勛○名○慶○孚○中○外○繼○堯○冕○趨○跡○阻○兕○頌○恒○殷○謹○從○昆○海
以○擬○詞○遙○向○鍾○山○而○祝○嘏○

呈大總統辭勛位勳章電

北○京○大○總○統○鈞○鑒○巧○日○奉○灰○電○大○總○統○令○特○授○唐○繼○堯○以○勳○一○位○又○唐○繼○堯○給○予○一

等大綬嘉禾章。此令聞命之下。驚悚莫名。竊維勳位勳章之設。所以崇獎功勛。旌異才俊。繼堯忝領疆圻。碌碌尸位。忽邀寵命。莫識所由。如以國慶之日。追念前勞。特錫褒榮。用昭曠典。則辛亥革命之役。堯雖負努屬鞬。在事出力。事定以後。并未受一徽之賞。一爵之頒。爾時。已淡泊自甘。藉明素志。此時安敢妄膺非分。有負初衷。如以堯久縮軍符。未嘗隕越。故頒懋賞。以勵羣僚。則前此所授勳二位一等文虎章。久已跼蹐不安。適以舉義擁護共和。當然取銷。并力主以後宜慎重名器。私心方幸得脫羈縻。豈可食言。有類狐搢。如以此次倡舉義師。摧鋤帝制。神臬舊宇。還我太平。以是爲繼。堯功爲天下勸。則繼堯尤非所敢承也。夫擁護共和。乃國民義所當爲。矧在疆吏。剷除帝制。亦軍人責之所在。矧屬長官。若以分內應有之事。居爲例外。特建之功。則國家何爲頒廩祿。以贖百官。人民何事輸租稅。以養將士。撫衷循省。有愧良知。靦面對人。尤增慚色。且瀕以瘠省。勉舉義師。雖僥倖以有成實地。方父老贊助之功。各將士疆場效命之力。於堯何有。而拜茲嘉命。惶懼無已。况大局雖平。而滿目瘡痍。苦無以善其後。死亡將士遺族零丁。煢獨可憫。更無以濟其窮。撫念及此。寢饋難安。遑

敢獨膺榮寵。矜懇大總統。收回成命。俾堯得免。內疚神明。外慚清議。不勝戴感之至。區區愚悃。伏乞鑒原。臨電屏營。悚息待命。

致梁任公電

上海梁任公先生鑒。魚電敬悉。覺頓國之環寶。慘被戕賊。請卹一舉。匪惟贍顧遺族。稍紓同人私痛。亦以表彰義烈。藉示公共哀榮。情形既屬特別。他人又當別論。况經起義各省來電。一致贊同。勢難中止。仍乞核筆。略敘事實。寄滇。并將陸呂兩公主張。請派員查辦一節。加入。以便聯銜入告。懇賜迅辦爲荷。

北京大總統請卹海珠死難諸人電

北京大總統鈞鑒。恭讀九月申令。以前中國銀行總裁湯叡齋志殉國。特予褒揚。并著陸軍部查同時死難諸人。一併優卹等因。仰見我大總統軫念先烈。至意感激莫名。查海珠之變。實軍興以來最慘之歷史。殉難者皆一時俊才。百身莫贖。前總裁湯叡齋行芳守優。學識理財卓識。海內所宗。前在中國銀行小試其長。手定規模。至今攸維。帝制議興。蟬蛻濁穢。奔走間關。備嘗勞瘁。初在京津。首參義謀。繼歷桂粵。力

會 排紛局。魯連之願。未償。酈生之烹。太酷。平生一介不苟。身後十口無歸。追往念來。淒心酸鼻。同難諸賢。有陸軍少將譚學夔。絕世妙才。湛深積學。演師未起以前。即與同志密圖。又復專任粵事。籌畫孔艱。有原任廣東警察廳長王廣齡。以堅苦卓絕之才。盡瘁厥職。前年粵遭水火慘災。兩旬廢寢忘食。以事救護。民懷其德。有口皆碑。有廣州商團總董岑伯著。商界異才。迭次毀家以謀公益。所辦商團。識者稱爲徵兵模範。此三君者。但以援助義師。維持粵局。思效纓冠之救。乃罹魑魅之凶。又有護國軍司令呂仲明。志切同仇。禍櫻駢首。凡此諸人。皆以身殉國。視死如歸。義烈所留。神人起敬。然皆身後。榮獨孀孤。靡託。湯王二賢。慘况尤甚。合無仰懇我大總統。深將該前總裁等事蹟。宣付史館。並許在死事地。所特籌褒揚表彰外。仍飭令陸軍部。對於各該員遺族。分別優卹。以旌國殤。而慰忠魂。某等不勝感愴。可命之至。

復衆議院電

北京衆議院鑒。奉接卅一電。驚悉黃克強先生在滬溘逝。偉人恒化。慟悼曷勝。除已另電弔唁。並擇期開會追悼外。特復。

唁黃克強家屬電

上海黃克強先生家屬鑒。頃接北京衆議院電。驚悉克強先生仙逝之耗。慟悼曷勝。第念黃先生奔走國事。手創共和。緬締造之艱難。譽隆歐亞。極生平之勞瘁。功在山河。含笑西歸。已無遺憾。尙望勉襄大事。以妥英靈。是所企禱。繼堯迹滯滇中。神馳海上。除派詹委員秉忠赴滬弔唁外。特先奉唁。并候禮祺。

致南京副總統請挈銜入告優卹蔡故督軍電

南京副總統廣東陸督軍朱省長并請轉梁任公岑西林兩先生南甯陳督軍杭州呂督軍長沙譚督軍成都羅督軍并轉劉積之司令重慶戴省長貴陽劉督軍韶州送李協和軍長鑒。准陸督軍青電。驚悉蔡松公以肺疾不治。於八日在日本逝世。逝聽之餘。愴慟曷極。竊念松公自辛亥在滇舉義。厥功甚偉。上年帝制議起。由京來滇。間關跋涉。艱苦備嘗。督師前敵。不辭勞瘁。卒摧帝制。再造共和。勛烈爛然。昭人耳目。天不憖遺。殄茲國寶。爲天下惜。爲同志悲。律以崇報之文。宜在優恤之列。擬請副總統挈銜入告。請予特別賜卹。以慰忠魂。不勝流涕待命。

呈大總統暨國務院請予褒揚蔡故督軍電

北京大總統國務院鈞鑒。四川督軍蔡鐸以肺疾不治。歿於日本醫院。業由副總統入告。並奉明令。頒給治喪費二萬元。並派駐日公使章宗祥董治喪事。飭部從優議卹。恩意已極周渥。何敢再事瀆陳。惟堯等與該故督軍始終共事。知之最深。謹再撮舉事略。爲我大總統總理陳之。該故督軍自日本士官學校畢業歸國。初在廣西辦理講武學校。憤國事日非。卽潛謀改革之事。深被嫌疑。旋調滇充陸軍第十九鎮第三十七協統領。復與同人秘密聯絡。準備一切。相時而動。值辛亥八月。我大總統在武昌首義。滇省遂舉兵響應。不旬日間。全省奠定。匕鬯不驚。被推爲雲南都督。任職以來。勤力不懈。庶事成理。以滇省財政困難。首倡減俸。月支薪僅百六十元。至今因之。軍民政事。賴以維持。入京之後。本欲有所貢獻。而帝制潮流方熱。鑿柄不入。乃乘機南下。間道來滇。共謀舉義。崎嶇險阻。艱苦備嘗。護國軍起。督師出川。鏖戰叙瀘。巨五閱月。其間激戰最烈。晝夜不休者。幾四旬有奇。精神萎頓。喉病加劇。實緣於此。大局既定。猶力疾馳赴成都。經營善後。俾軍民安帖。然後東下療疾。所謂盡瘁事國。死

而後已。綜其生平。既富於韜鈴。優於文學。尤嫻悉政治。是以綜理軍民。措置裕如。滇黔川桂之民。迄今思慕不置。而治事精勤。操守純潔。尤足爲當世官吏師法。今身後蕭條。不名一錢。老幼煢煢。言之腹痛。惟其功德。雖在西南爲多。其所設施。實有造於全國。豐功偉烈。中外具瞻。不有闡揚。何以光前勵後。伏懇我大總統鴻慈。錫予國葬。并將事蹟宣付史館立傳。准予京師及立功省分。建立專祠。鑄造銅像。以彰國家崇報之典。而爲後來矜式之資。是否有當。伏乞慈鑒施行。無任涕泣待命。

賀羅督軍就任電

四川羅督軍鑒。頃接京電。欣悉榮膺特任。權縮軍符。疆連錦水。企勛績之懋昭。樓近籌邊。盼教言之莫罄。特電奉賀。無任欣愉。

痛論政黨並聲明不入黨通電

北京大總統鈞鑒。國務院各部院參衆兩院。南京副總統各省督軍省長各鎮守使。承德歸化張家口都統鑒。共和再建。百廢待興。愛國之士。以爲欲促政治之進行。必須有政黨爲之補助。於是揚鑣樹幟。紛起一時。夫政黨之有益於立憲國家。共和先

進諸國已有成例誰不謂然雖然繼堯不敏竊不能無疑焉願與當世君子一商權之有謂世界無論若何善政所謂福國利民者只能爲相對的不能爲絕對的故一部分蒙其利益則他一部分必犧牲其利益惟政黨左右其間更迭進迺能均齊發達催促演進此在歐美各國歷史社會具有特別情形因國中階級地位資本勞力之至不齊容或有此若吾國則民智未溥民力未充但使對症時勢定爲方針切實行之無不足以利國而便民無取乎道旁築室徒滋紛擾此不能無疑者一也有謂選舉一事關係國家至要須有政黨爲之運用乃可得優秀之分子建完善之政治然在他國視被選爲義務者在吾國乃視爲純粹之權利不顧政綱之奚若政見之奚若但遇選舉之期利用政黨以博取優厚之薪資最高之位置而已曷若聽民間自由選舉拔十得五猶不致爲狙獪者所利用以貽害於全體此不能無疑者二也凡此二者僅就政黨所標最要之幟志言之其他流弊不遑枚舉五年以來國中多數人之心理對於政黨政治之前途幾於灰心絕望良由我國之政黨仍不脫漢唐宋明朋黨之覆轍利國之具將變爲覆國之媒繼堯所爲惴惴私憂者此也至謂

會 澤 文 廣 上 卷

共和國體立憲政體終不能蔑棄政黨而獨爲治則宜從容培養教誨整齊庶幾於文明國政黨之正軌此則政治家之責任若夫繼堯一介軍人守區區一得之愚嚮未入黨况迭奉大總統明令軍人不宜入黨惟有恪遵命令自明素志以完我軍人之天職特佈微忱敬祈明鑒

請維持內閣通電

北京大總統參衆兩院南京副總統各省督軍省長均鑒副總統元電主張維持內閣讜論名言無任佩仰夫政局更迭太頻斷非國家之福即在穩固之國猶不肯輕易動搖矧我國基甫定人心未安尤賴名宿碩望從容補救段總理負蒼生之望當政局之衝此時正宜需以歲月寬其責備同舟共濟徐圖躋於正軌何可多生波折自覺生機伏願我國會諸公體念時艱力予調護俾段總理得以專心圖治積極進行民國前途庶其有豸區區忠告尙希俯納臨電不勝迫切之至

致徐菊人電

北京徐菊人先生鑒大局粗定國步方艱內閣動搖危險孰甚我公老成碩望言重

會
鼎呂聞已慨然赴京。力主調停。欽佩盡似。所盼發抒偉論。毅力維持。俾政府諸公。同德一心。共挽危局。國家前途。實利賴之。臨風翹企。無任瞻馳。

復副總統電

澤
南京副總統鈞鑒。華密奉讀元電。憂時之深。謀國之遠。捧讀再三。欽遲無暨。元首總揆。同經憂患而來。何至稍生意見。是必有從中搆間。利兩間之乖睽。以售其欺者。故親賢遠佞。雖老生常談。而實千古不刊之論。幸得我公領袖各省。一致建言。府院意見。仍復融洽。日月之食。不旋踵而復其明。所冀此後府院之間。不至再生隔閡。則爲賜於國家。寧有涯涘。數月以來。政局倏極。日有動搖之象。推其原因。寔由內閣無一定。政方針。遷就敷衍。遂授人以撼搖之機。譬之行舟把舵。無定傍皇。中流偶遭風浪。則覆溺隨之矣。故決定方針。在今日內閣。不可須臾稍緩。不必侈言高遠。亦不必求諒目前。但期見之實行。足以救國家之危。而收統一之效。積之歲月。不稍瞻顧。必如此而後。阻撓譏間者。無所施其伎倆。否則在己已無所把持。而謂可以杜塞反對之口。蓋亦難矣。尊電中心之說。尤爲切中肯綮。嘗謂無論何種國家。其國之人民不

能與國家皆同一關係而能實際担負責任者必其與國家關係較爲密切之人其國之安危治亂常視此關係密切者能否結合以爲斷此卽中心之義而凡可以自存之國家皆莫能於外者也繼堯無似無補國家膺受疆寄亦越數年不敢謂與國休戚然政局如何時關痛癢惟處茲僻遠交通不便中央政聞經旬達月始克聽受往往境過情遷欲言而已非其機會深用悵恨我公縮殺上游密邇中樞聞見較捷倘有緊要事件敬乞隨時賜示俾瞻馬首藉伸其愚不勝大願之至至於國會偏執黨見固恤國艱根本之憲法不知遷延至於何日此不絕如縷之國脈豈復尙能久待言之滋痛繼堯擬再重申前說強聒不休或冀其一加省顧也公有何法期其採納尙乞示之

首義歲周通告始末情形電

北京大總統鈞鑒國務院各部院參衆兩院孫伯蘭先生李印泉先生南京副總統各省督軍省長并轉各鎮守使貴陽任省長重慶戴省長承德歸化張家口都統上海孫中山先生唐少川先生岑雲階溫欽甫兩先生各報館四川并轉劉積之軍長

熊錦帆鎮守使瀘州趙道尹廣東轉梁任公先生王亮疇先生章太炎先生李協和先生方韻松張藻林兩師長鑒溯自上年十二月二十三日滇省首舉義師擁護共和迄今倏屆歲周追維諸將士之死傷拚命諸志士之奔走辛勞痛定思痛百感交集而滇以貧瘠之區悉索敝賦從事茲役較之辛亥反正其難倍蓰幸賴我大總統副總統總理之恩威浹洽同志諸公之毅力維持或助餉項或助聲援得免戰禍蔓延大局早定堯亦得追隨諸公之後差告無罪惟念兵事頻煩則國脈凋喪破壞猶易而建設良難此一年內人民生命財產之損失公家餉需物力之消耗雖竭數年之力不能恢復又况政治雜揉財政艱窘內憂既伏外患方長竊抱私憂豈云歡慶而滇中各界發起屆期舉行祭祀慶祝典禮以爲國人紀念亦等諸齊桓在莒之戒夫差過庭之警義有可取禮斯不廢伏願我大總統副總統總理庶殷憂多亂之思我同志諸公軫愆後懲前之想上下一心協力圖治民國前途庶其有豸敬以奉聞並求明教

致北京大總統電

電報

北京大總統鈞鑒。奉漾電猥以本月二十五日爲雲南倡義紀念日。仰荷雲章寵賁。露藻親袋。莊誦之餘。莫名悚感。伏念神州再造。大局挽回。實惟我大總統德威遠播。聲教遐宣。用能底定國基。伸張民意。建奇勳於武漢。早成復旦。星雲繼正席於幽燕。更喜重光日月。共和鞏固。幸福綿延。溥海臚歡。普天同慶。繼堯匏懸南詔。葵向北門。竭精神以永護中央。只冀効忠於指臂。蒙獎藉而傳來邊徼。尤深抱愧於衷懷。謹貢獻忱。伏祈鈞鑒。

呈大總統電

急北京大總統鈞鑒。竊維史乘之傳。慮年遠而失。實紀念所在。得文載以益彰。上年滇省首義。擁護共和。幸賴大總統之聲威。各方之協合。告厥成功。惟舉義始末所歷艱險。事屬秘密。既無文之足徵。時際戰爭。亦磨盾之不暇。非得躬與其役者。痛定思痛。筆之於書。用爲傳信。似無以慰我同志。昭諸來茲。查有本署總參謀長庾恩暘。手著擁護共和始末記。於項城稱帝之原因。滇省首義前之準備。首義時之計畫。首義後之情形。軍事之結束。分爲五章三十節。都七八萬言。自帝制發生。以迄共和復活。

凡所經歷所設施所建白靡不詳載事實後附以攝影數十紙經該總參謀長呈由繼堯覆加審攷言皆徵實頗足備國史異日之採擇已飭陸續付印可否仰懇大總統先予賜題簡首宣頒轉發俾示鄭重而誌榮異仍俟原稿排印成冊後即當恭送鈞座鑒定施行謹電待命

論制定憲法電

北京大總統國務院憲法會議鑒憲法爲根本大法創制之始務須參考歷史順應輿情斟酌損益期增安害世界百數十國國必有憲此國憲法決不與彼國相蒙而複雜龐大之國家所定憲法尤與小國絕異蓋各有其立國之精神與其相延之歷史斷不容削足適履強己同人尤不可貌襲高深罔顧事實苟昧斯義小則阻礙國家進步大則爲根本破壞之基徵諸各國往轍可鑒民國二年憲法草案偏涉理論羣情所非無可爲諱此次繼堯荷戈衛國仗海內之助日月重光首主恢復議會俾憲法早產以永國脈意以爲兩院諸公飽更世變閱歷宏多當不致膠執成見頃閱報載審議會中多主維持原案甚或變本加厲議加省制審議如此大會可知瞻念

國家憂心焚擣江蘇馮督軍虞電所陳痛切言之略無贅義繼堯極端贊成間亦略有一得爲學理之商榷輒貢其愚幸垂警焉各國國會凡有兩院者除下院直接代表人民爲世界公例外其一院或用特別方法或由特別團體所選出與委任必其所代表勢力之不同而後有分歧存在之必要以言作用可和緩下院與政府之衝突以上院恆與政府相近故也若如現制及草案所取衆議院直接選之於民參議院出於省會而省會仍直接由人民選出性質初無分別既乏特別之作用徒令進行之濡緩駢拇枝指義無所取萬一謂政府與下院之間應有一院以爲調和之地則參議院選舉資格與方法務當另訂以符分設兩院之旨此其一各國議員名額皆由人口比例而出以吾國如此之大人口如此之多衆議員五百餘名誠不爲過但吾國教育未善人材缺乏此種事實原難諱飾若舉一國之優秀盡納諸議會之中如今日者偉論宏談誠足動人聞聽而凡百國政孰與爲舉若間雜以下駟則又反背代表人民之公義人材之不經濟孰大於此鄙意衆院議員至多不得逾三百名參議院若必須設置時其議員亦不得超越百名此雖爲將來國會組織法中所

規定而憲法內似亦不能不將員額標準概括定之此其二國會立法權及監督權屬於議院全體非院中某部分所得而私亦不可委寄於院中之某一部分至緊急命令與夫財政緊急處分憲法上既已予之總統俾求事後之承諾則國會斷無常設委員之必要若以某數種事件委之於常設委員會則與多數政治主義適相反背尤非共和國家所應有而結果徒授政府以操縱之機其弊害不堪設想此其三行政訴訟乃行政上之救濟各國制度不一有屬於普通司法機關者有由議會選舉之人所組織者多數國家仍特設機關而由元首任命其制孰善孰惡原無絕對標準惟吾國司法之根本未固議會之信用未孚若兼理行政訴訟無論其爲立法院與司法機關必因此而遭蹂躪甚或至根本動搖影響及於國家竊所不取鄙意平政院當定爲憲法上機關而用人之權仍屬於行政首長庶三權界畫分明不致互相牽動此其四議員兼任國務員在英國行之其政黨之根基已固某黨占議院多數其黨卽出而操行政之權蓋由於歷史所演成此外各強國無踵行之者其制之善否今日尙難斷定若謂議會與行政成爲一氣易於謀政治之進步然議會與

會澤文履上卷

行政融合而爲善固足福國假令兩者融合而爲惡又將何以救之襲他人之皮毛忘分權之精義決不輕於附和此其五議會監督財政自有其預算決算以及承諾追認之權至於審計檢查係隸屬於元首而爲財政之監督機關故審計官當然由總統任命萬不可由議會選舉自亂其例此其六政治制度現方爲爭論之點現行之制是否應合大勢舊有區域是否永無分合此當讓之行政法規單行訂定庶有張弛餘地斷不可牽入憲法一成不變致阻礙地方之發達此其七凡此皆馮督軍之電所陳而繼堯極端贊成者也此外如對於議會既經一度解散召集新會以待輿論之公評果前會主持過當新會斷不致違公理與政府爲難若仍與前議會執同一態度則是非曲直責有攸歸倘漫無限制頻頻解散適以助成政府專橫惹起人民惡感甚非國家之福至國務員同意權就理論議院對於行政機關既有監督彈劾之權此不過爲尊重立法機關之一種形式不應輕予否認惟吾國人初入政軌不善運用輕易嘗試誠所難免最足以墮議員之聲望而受人詬病鄙意除總理外各部總長均由總統自由任命不必求議會之同意庶泯政治上一切紛擾以

上兩端。又馮督軍之所主張。與繼堯稍有出入者也。總之。茲事體。大國命攸關。務懇我議會諸公。屏絕畦町。審酌時勢。俯賜採納。俾我共和國。得有完善憲典。共相率循。庶足杜異時之反響而起。已衰之國脈。則國家幸甚。人民幸甚。臨電不勝迫切待命之至。

請政府宣布大政方針兩院速定憲法電

北京大總統鈞鑒。國務院各部院參衆兩院憲法會議鑒。前以政局紛擾。內閣動搖。曾附副總統一頁愚忱。蒙大總統總理俯賜採納。融和政見。府院之地。氣象一新。不禁額手稱慶。然兩月以來。政治之方針。根本之大法。尙未聞決定。宣佈上無以立。各政進行之準。下無以慰人民望治之心。又不禁惴惴私慮。竊以一國之政治。不進則止。而圖治之時。機稍縱即逝。值此國度方新。歐戰未結。正所謂明其政刑之時。謂宜將國家大計。迅行討論。定爲方針。俾各主管機關有所遵循。雖不必期於長治久安。百世不易。但使對針時勢。按切國情。定爲十年二十年可行之政策。斤斤而守之。續而謀之。則基礎自固。發達有源。必能尅收效果。日闢新機。若漫無標準。徒爲頭痛。

醫頭脚痛醫脚之計則舉棋不定永無振作之一日前清末季及民國初元皆可爲
殷鑒也我大總統總理宵旰憂思或見不及此其所以遲回審慎者勿亦慮政黨
之紛呶國會之掣肘恐發表政見終未能貫徹實行徒增一番障礙耳然各政客已
歷多年之經驗議員諸公皆具體國之公忠苟利於國當無不力予贊助所願從速
宣誓以鑿人心而維國本至於憲法問題前亦曾本之良心訪之輿論略言芻言茲
者審議將竣未識頗蒙採擇一二否夫憲法爲國家根本大法雖不能謂永不變更
究以不易變更爲原則試覽歐州各國歷史以實驗的由柔性憲法變而爲刚性者
有之由刚性變而爲柔性者殊寥寥有所聞彼其謀國之周至豈遜於我反之我
國今日制定憲法不可不慎之於始會議諸公身當其任誠宜高瞻遠矚廓然無我
捐一人一黨之私爲百年長久之計萬不可以一時政策之運用驛入根本法律之
中蓋政策隨時變遷而憲典萬無可以隨時動盪之理故除犖犖大端關於國體根
本之外其在可以入憲可不入憲之列者毋甯讓之普通法律既可以迅速解決不
至遷延爭論又可稍留伸縮之餘地繼堯人微言輕本不欲妄有建白惟是良心上

之發覺亦未敢終於緘默所望非封之采無遺下體諸公之虛懷抑亦國家之大幸也意切詞質不知所擇伏惟諒鑒





會澤文牘上卷正誤表

目次	頁	行	字	誤	正
三	八	四	段	段	段
五	六	四	段	段	段
十六	六	四	講	謝	
一	五	值項城下多一值字			
一	二	五	字	字	字
三	十二	廿四	荆	荆	荆
電報	二	卅	太	犬	犬
同	十二	廿一	在	作	作
同	二	九	地	對	對
同	六	八	段	段	段
同	六	九	段	段	段
同	八	九	段	段	段
同	六	廿一	段	段	段
同	八	廿三	段	段	段
同	四	十七	塵	塵	塵
同	十	十七	塵	塵	塵
同	二	七	賀字多		
同	四	十八	場	場	場
同	十一	二	誤	謂	謂
同	七	七	三字誤圈	分字應加圈	分字應加圈
同	三	十七	努	努	努
同	九	十	在	任	任
同	四	十七	環	環	環
同	一	卅一	公字應加圈		
同	二	八	於字多應刪		
同	七	十	善	善	善
同	八	廿四	決	決	決

民國六年六月印刷初版

會澤文牘上卷

定價 角

省府秘書廳

廣智公司

南圖書館